



EPE: Maisu-maistren, Bigarren Hezkuntzako irakasleen, Hizkuntza-eskola ofizialetako irakasleen eta Musika eta Arte Eszenikoko irakasleen kidegoak

SARRERA

[Enplegu Publikoa](#)

[Irakaskuntzako Kidegoak](#)

[Hizkuntza-eskakizunak](#)

SARRERA

Atal honetan oinarritzko zenbait kontzeptu aipatzen da, deialdian ageriko diren kontzeptuak, alegia. Ondoko kontzeptuak argitu nahi dira, bereziki: hizkuntza-eskakizunak (definizioak, eginkizunak, baliokidetasunak), Irakasleen Kidegoa, eta abar.

Enplegu Publikoa

6/1989 Legeak, Euskal Funtzio Publikoari buruzkoak, 23.1 artikuluan ezarri duenez, Administrazio Publiko bakoitzeko langileekin bete ezin diren giza baliabideen premiak, aurrekontu-izendapena dutenak, enplegu publikorako eskaintzaz beteko dira.

Horrenbestez, enplegu publikorako eskaintza izango da Administrazio Publikoek euren baitan hutsik dauden lanpostuak betetzeko erabiltzen duten prozedura.

Herri Administrazioa gizartearen interes orokorren kudeatzaile izaki, Administrazioa sartzeko prozedurek honako printzipioak bete beharko dituzte: publizitatea, berdintasuna, merezimendua eta gaitasuna; horregatik, hautaketa-prozesua legez ezarritako bidetik eraman behar da aurrera, oinarritzko urrats hauek emanez:

- Enplegu Publikorako Eskaintza onestea: hortxe zehazten dira bete beharreko plazen kopurua eta ezaugarriak. Euskal Herriko Agintaritzaren Aldizkarian argitaratzen da.
- Irakasleen Kidegoetan sartzeko hautaketa-proben deialdia egiteko Agindua: hautaketa-prozesuaren definizio orokorra da, eta plaza guztietan du eragina. Euskal Herriko Agintaritzaren Aldizkarian argitaratzen da.
- Eskabideak aurkeztea.
- Onartuen eta baztertuen zerrendak
- Oposizio-aldia
- Lehiaketa-aldia
- Euskararen balorazioa
- Amaierako kalifikazioak
- Praktiketako funtzionarioak izendatzea

Irakaskuntzako Kidegoak

Irakaskuntzako funtzionarioak kidegoetan antolaturik daude, irakasten dituzten ikasgaien arabera eta kidegoetara iristeko eskatzen den titulazio mailaren arabera. Deialdi honetan hurrengo kidegoetako plazak eskaintzen dira:

Maisu-maistren kidegokoa

Irakaskuntzako euskal funtzio publikoaren antolamenduaren arabera, "A-2" azpitaldekoak.

Bigarren Hezkuntzako irakasleen kidegokoa

Irakaskuntzako euskal funtzio publikoaren antolamenduaren arabera, "A-1" azpitaldekoak.

Hizkuntza Eskola Ofizialetako irakasleen kidegokoa

Irakaskuntzako euskal funtzio publikoaren antolamenduaren arabera, "A-1" azpitaldekoak.

Musika eta Arte Eszenikoko irakasleen kidegokoa

Irakaskuntzako euskal funtzio publikoaren antolamenduaren arabera, "A-1" azpitaldekoak.

Hizkuntza-eskakizunak

Hizkuntza-eskakizuna da lanpostu jakin baten zeregin guztiak euskaraz egin ahal izateko behar den hizkuntza-ezagutzaren maila. Lanpostua lortzeko eta bertako lana betetzeko beharrezko diren euskararen ezagutza mailek zehazten dituzte irakaskuntzako lanpostuetako hizkuntza-eskakizunak.

Irakaskuntzako lanpostuei bi hizkuntza-eskakizun ezartzen zaizkie:

- 1. hizkuntza-Eskakizuna (HE1): euskaraz edo euskara irakasten ez duten irakasleek betetzeko irakaskuntzako lanpostuei ezarriko zaie, baina euskara harreman-hizkuntza legez erabiltzeko behar den hizkuntza gaitasuna bermatuko da.
- 2. hizkuntza-Eskakizuna (HE2): euskaraz edo euskara irakasten duten irakasleek betetzeko irakaskuntzako lanpostuei ezarriko zaie, eta euskara harreman-hizkuntza eta irakaskuntza-hizkuntza legez erabiltzeko behar den hizkuntza gaitasuna bermatuko da.

Lortu nahi den lanpostuari ezarri zaion 1. edo 2. hizkuntza-eskakizuna egiaztatzea beharrezkoa izango da, martxoaren 9ko 47/1993 Dekretuaren 7. artikuluan otsailaren 19ko 2/1993 Legearen hamabosgarren xedapen gehigarrian xedatu duenarekin lotuta aurreikusitakoaren arabera.

Dena den, aipatutako 47/1993 Dekretuaren lehen xedapen gehigarrian ezarritakoaren arabera, Haur Hezkuntzako, Lehen Hezkuntzako/OHOk eta Irakaskuntza Ertainetako ikastetxe publikoetako bitarteko irakasleek eta aldi baterako irakasle kontratatuek Dekretu



hori indarrean sartzen denean (1993ko apirilaren 3a) funtzionarioaren izaera lortzen badute, epe hauek izango dituzte egiaztatzeko:

.hiru urteko epea jabetza hartzen dutenetik, euskaraz irakasten badute edo euskarazko izendapenarekin irakasten ari badira eta berehalako derrigortasuneko 2. hizkuntza-eskakizuneko lanpostuetan hasten badira.

.3 urteko epea jabetza hartzen dutenetik, berehalako derrigortasuneko 1. hizkuntza-eskakizuneko lanpostuetan hasten badira.

.5 urteko epea berehalako derrigortasunik ez duten lanpostuetan hasten badira.

Halaber, 182/2002 Dekretuko lehen xedapen gehigarriaren arabera, Dekretua indarrean sartzean (2002ko abuztuaren 14an) ikastetxe publikoetan araubide bereziko irakaskuntzetako lanpostuetan dauden bitarteko irakasleak eta aldi baterako irakasle kontratatuak irakaskuntza horietako kidegoetako 1. hizkuntza-eskakizuneko lanpostuetako karrerako funtzionario izatera iritsi ahal izango dira, baldintza hori bete ez arren, eta hiru urteko epea izango dute karrerako funtzionario izendatzen dituztenetik, hizkuntza-eskakizuna egiaztatzeko.

Hautaketa-prozesu honetan hizkuntza-eskakizuna egiaztatzeko honako bideei jarraituko zaie:

- a) Hautaketa-prozesuan HE1 eta HE2 egiaztatzeko berariaz egingo diren probak gaingiditzea, aukeratzen den espezialitatearen arabera.
- b) Zein egokitzen den, HE1 eta HE2 egiaztatzeko agiria aurkeztea.
- c) Aurkezten den espezialitatearen Hizkuntza-eskakizunarekin homologaturik dagoen hizkuntza-egiaztagiriren bat dutela adierazteko dokumentazioa aurkeztea.

Hizkuntza-eskakizunekin homologaturik dauden egiaztagiri eta tituluak

Irakaskuntzako Euskal Administrazioan hizkuntza-eskakizunak egiaztatzeko ondorioetarako, honako titulu eta egiaztagiriak irakaskuntzako hizkuntza-eskakizunen baliokidetzat hartuko dira:

• HE2:

- a) Eusko Jaurlaritzaren Euskararen Gaitasun Agiria, EGA
- b) Euskaltzaindiaren "D" titulua
- c) Nafarroako Gobernuaren EGA egiaztagiria (eta Gobernu horrek bere eremuan ezarri dituen EGAREN baliokideak).
- d) Labayru Ikastegiaren egiaztagiria (3. maila), 82/9/9 baino lehenago aterata.
- e) EAEko Hizkuntza Eskola Ofizialetako euskal ikasketen 5. maila edo EAEko Hizkuntza Eskola Ofizialetako Euskararen Gaitasuneko Egiaztagiria (C1).
- f) Madrilgo Hizkuntza Eskola Ofizial Zentraleko Euskararen Gaitasuneko Egiaztagiria.
- g) Euskal Filologia Lizentziatura.
- h) Euskal Filologia espezialitateko Irakasle Diplomatura.
- i) Bizkaiko Irakasleen Unibertsitate Eskola Publikoan 1985az geroztik euskal adarrean lortutako Irakasle Diplomatura.
- j) Gipuzkoako Irakasleen Unibertsitate Eskola Publikoan 1985az geroztik euskal adarrean lortutako Irakasle Diplomatura.
- k) Donostiako Elizbarrutiko Irakasleen Eskolan 1984az geroztik euskal adarrean lortutako Irakasle Diplomatura.
- l) Eskoriatzako Irakasleen Eskolan 1984az geroztik euskal adarrean lortutako Irakasle-Diplomatura.
- m) EIT



- n) EAEko Administrazio Orokorreko 3. hizkuntza-eskakizuna
- o) Kultura Sailak emandako 3. mailako ziurtagiria
- p) Osakidetzako 3. hizkuntza-eskakizuna
- q) Ertzaintzako 2. hizkuntza-eskakizuna

• **HE1:**

- a) EAEko Hizkuntza Eskola Ofizialetako euskal ikasketen 4. maila edo EAEko Hizkuntza Eskola Ofizialetako Euskararen Maila Aurreratua (B2).
- b) GUMA.
- c) IGA
- d) EAEko Administrazio Orokorreko 2. hizkuntza-eskakizuna
- e) Kultura Sailak emandako 2. mailako ziurtagiria
- f) Osakidetzako 2. hizkuntza-eskakizuna
- g) Ertzaintzako 1. hizkuntza-eskakizuna

1. hizkuntza-eskakizuna

Hura daukaten irakasleak, besteak beste, honetarako gauza izango dira:

- Ikasleekin bakarka edo taldean irakaskuntza jarduerarekin zerikusia duten gaiez euskaraz hitz egiteko: besteak beste, jokabideaz, motibazioaz, ikasketetan lortutako emaitzez, beste ikasle batzuekin eta irakasleekin izandako arazoez eta ikasketak egiteko familiako giroaz.
- Ikasleekin bakarka edo taldean beren adineko arazoez eta interes bereziekin zerikusia duten gaiez euskaraz hitz egiteko: familiako arazoez, adiskidetasunaz, nortasunaz, zein bere heldutasunerako bidean izan dezaketen beste edozein arazoz.
- Gurasoekin, irakasleekin eta hezkuntza administrazioako langileekin, hizkuntza maila egokian, nahiz eta teknikoa ez izan, honako gaiez euskaraz hitz egiteko gaitasuna: eskolaren funtzionamenduaz, helburuez, jokabide pedagogikoaz, ikasturteko programaz, kurtsoari eta zehazki ikasleari buruzko iritziaz, eskolako orduko eta orduz kanpoko jardueraz, ebaluaketarako irizpideez, lortutako emaitzez eta, oro har, pedagogia lanari eta ikastetxearen funtzionamenduari buruzko gaiez.

2. hizkuntza-eskakizuna

Hura daukaten irakasleak, besteak beste, honetarako gauza izango dira:

- HE1erako zehaztutakoa euskaraz egiteko.
- Haren ikasgaiko edo alorreko irakaskuntzak euskaraz emateko ikasleei, bakarka, zein taldeka, dela azalpena magistrala eginez, dela gelan eztabaida sortuaz eta jasotako galderei erantzunez.
- Eskolak prestatzeko edo ikasleek irakurtzeko probetxugarriak izan daitezkeen euskarazko argitalpenak, programa ofizialak, testu liburuak, kontsulta liburuak, artikulak eta abar ulertzeko.
- Irakasgaiarekin zerikusia izanik eskolak prestatzeko probetxugarria izan daitezkeen ahozko materiala euskaraz ulertzeko (besteak beste, pelikulak, bideoak, zintak, irratsaioak).
- Programa orokorrak eta bakoitzaren alorreko programazioa euskaraz idazteko.
- Eskolak emateko behar diren fitxak, apunteak, materialak, ariketak, ebaluazioko ariketak eta abar euskaraz idazteko.
- Ariketen zuzenketa, txostenen idazketa eta ikasleen lana balioztatzeko beste edozein jarduera euskaraz egiteko.

EPE: Maisu-maistren, Bigarren Hezkuntzako irakasleen, Hizkuntza-eskola ofizialetako irakasleen eta Musika eta Arte Eszenikoko irakasleen kidegoak

DEITUTAKO PLAZAK

DEITUTAKO PLAZAK

Guztira 1515 lanpostu eskaini dira, A-1 azpitaldekoak (Euskal Autonomia Erkidegoko Bigarren Hezkuntzako irakasleen, hizkuntza-eskola ofizialetako irakasleen eta Musika eta Arte Eszenikoko irakasleen kidegokoak) eta A-2 azpitaldekoak (Euskal Autonomia Erkidegoko Maisu-maistren kidegokoak).

Lau txanda izango ditu hautaketa-prozesuak:

- A) librea
- B) ezinduei erreserbaturikoa
- D) goragoko talde bateko kidegoetara sartzekoa
- E) talde bereko beste kidego batzuetara eta kidego horietako destino osagarrien mailetara sartzekoa.

Honako hau da lanpostuen banaketa, kidegoaren, espezialitatearen, hizkuntza-eskakizunaren eta txandaren arabera:

- Maisu-maistren kidegoak:

Especialitatea	1. HE		2. HE		Guztira
	A	B	A	B	
Haur Hezkuntza			376	20	396
Lehen Hezkuntza	15	1	437	23	476
Musika			42	2	44
Ingelesa	16	1	84	6	107
Pedagogia terapeutikoa	8		80	4	92
Gorputz Hezkuntza			55	2	57
Entzumena eta Hizkuntza	1		12	1	14
Guztira	40	2	1086	58	1.186

**- Bigarren Hezkuntzako irakasleen kidegoak:**

Especialitatea	1. HE			2. HE			Guztira
	A	B	D	A	B	D	
Geografia eta Historia				20	2	23	45
Biologia eta Geologia				10	2	13	25
Ingelesa				13	1	14	28
Euskara eta Literatura				12	2	15	29
Gaztelania eta Literatura	5	1	5	17	1	19	48
Filosofia				4	1	5	10
Matematika				11	1	11	23
Marrazketa				8	1	8	17
Guztira	5	1	5	95	11	108	225

- Hizkuntza-eskola ofizialetako irakasleen kidegoak:

Especialitatea	1. HE			2. HE			Guztira
	A	B	E	A	B	E	
Ingelesa	5		6	7	2	10	30
Frantsesa	2			4	1	6	13
Alemana	5			3		3	11
Euskara				5	1	7	13
Gaztelania atzerriarrentzat	3		4				7
Guztira	15		10	19	4	26	74

**- Musika eta Arte Eszenikoko irakasleen kidegoak:**

Especialitatea	1. HE		2. HE		Guztira
	A	B	A	B	
Akordeoa			1		1
Harpa	1		1		2
Gitarra	1				1
Kantua	1		1		2
Perkusioa			1		1
Pianoa	1		6	2	9
Musika Hizkuntza	1		2		3
Konposizio-oinarriak			3		3
Tronpeta			1		1
Orkestra	1		1		2
Biolina			2		2
Fagota			1		1
Zehar-flauta			1		1
Tronpa	1				1
Guztira	7		21	2	30

Ezinduei erreserbaturiko txandan eta irakasleen kidegoetara sartzeko txandan eskainitako lanpostuak bete gabe geratuz gero, txanda librekoiei gehituko zaizkie, eta hortik beteko dira.



EPE: Maisu-maistren, Bigarren Hezkuntzako irakasleen, Hizkuntza-eskola ofizialetako irakasleen eta Musika eta Arte Eszenikoko irakasleen kidegoak

EPEAK

EPEAK

Eskabideak aurkezteko epea **hogei egun naturalekoa** izango da, deialdia Euskal Herriko Agintaritzaren Aldizkarian argitaratu eta hurrengo egunetik kontatzen hasita. Eskabideak aurkezteko tokiak eskabideak aurkezteari dagokion atalean zehaztu dira.



EPE: Maisu-maistren, Bigarren Hezkuntzako irakasleen, Hizkuntza-eskola ofizialetako irakasleen eta Musika eta Arte Eszenikoko irakasleen kidegoak

HAUTAKETA-PROZESUAN ONARTUA IZATEA

Onartua izateko betebeharrekoak

Onartua izateko eskabideak

HAUTAKETA-PROZESUAN ONARTUA IZATEA

Atal honetan azaltzen da zer baldintza bete behar den deitutako prozeduretako baten bidez irakaskuntzako funtzio publikora sartzeko. Eskabideak aurkezteko unean kontuan hartzeko informazio erabilgarria ere aurkituko duzu.

Prozesuan sartu ahal izateko bete behar direnak

Izangaiek ondokoak bete behar dituzte, hautaketa-prozesuan onartuko badituzte:

1) *Betebehar orokorrak*

Baldintza orokor hauek bete beharko dituzte hautaketa-prozesurako onartu ditzaten nahi dutenek:

a) Espainiarra izatea edo Europar Batasuneko gainerako estatueta bateko nazionala izatea, edo langileen zirkulazio libreari buruzko Europako Parlamentuko 2004/38/EE Zuzentaraua eta zuzentarau hori Espainiako lege-ordenamendura sartzeko ematen den araua aplikatu dakiokeen estaturen bateko nazionala izatea.

Horrez gain, parte hartu ahal izango dute espainiar herritarren ezkontideek, ondorengoek eta ezkontidearen ondorengoek, bai eta Europar Batasuneko gainerako estatueta bateko nazionalen eta Europar Batasunak sinatutako nazioarteko itunen arabera langileen zirkulazio librea aplikatu dakiekeen estatueta bateko nazionalen ezkontideek, ondorengoek eta ezkontidearen ondorengoek, baldin eta dagokion itunean hala ezarrita badago eta espainiar Estatuak berretsita badu, edozein nazionalitatekoak izan arren, baldin eta ezkontideak legez bananduta ez badaude eta ondorengoak hogeita bat urtetik beherakoak badira edo adin horretatik gorakoak izan arren, gurasoen ardurapean bizi badira.

b) Hamasei urte izatea eta erretiroa hartzeko oro har zehaztutako adinera oraindik ez iristea.

c) Aukeratzen diren kidego eta espezialitatearen funtzioetan aritzearekin bateraezina den gaixotasunik edo muga fisiko edo psikikorik ez izatea.

d) Zigor-espedientearen bidez edozein administrazio publikoren zerbitzutik kendu ez izana, ezta funtzio publikoetan aritzeko ezgaituta egotea ere.

Halaber, nazionalitate espainiarra ez duten izangaiek haien estatuan funtzio publikoan sartzeari eragozten dien diziplina-zehapen edo zigor penalik ez dutela egiaztatu beharko dute.



e) Karrerako edo praktiketako funtzionario ez izatea edo aukeratu nahi den kidegoko karrerako funtzionario izendatua izateko zain ez egotea, non eta espezialitate berriak hartzeko prozedurarako lehiatzen ez den.

f) Lortu nahi den lanpostuari ezarri zaion 1. edo 2. hizkuntza-eskakizuna egiaztatzea, martxoaren 9ko 47/1993 Dekretuaren 7. artikuluan eta uztailaren 23ko 182/2002 Dekretuaren 5. artikuluan otsailaren 19ko 2/1993 Legearen hamabosgarren xedapen gehigarrian xedatu duenarekin lotuta aurreikusitakoaren arabera.

Dena den, aipatutako 47/1993 Dekretuaren lehen xedapen gehigarrian ezarritakoaren arabera, Haur Hezkuntzako, Lehen Hezkuntzako/OHOKo eta Irakaskuntza Ertainetako ikastetxe publikoetako bitarteko irakasleek eta aldi baterako irakasle kontratatuek Dekretu hori indarrean sartzen denean (1993ko apirilaren 3a) funtzionarioaren izaera lortzen badute, epe hauek izango dituzte egiaztatzeko:

.hiru urteko epea jabetza hartzen dutenetik, euskaraz irakasten badute edo euskarazko izendapenarekin irakasten ari badira eta berehalako derrigortasuneko 2. hizkuntza-eskakizuneko lanpostuetan hasten badira.

.3 urteko epea jabetza hartzen dutenetik, berehalako derrigortasuneko 1. hizkuntza-eskakizuneko lanpostuetan hasten badira.

.5 urteko epea berehalako derrigortasunik ez duten lanpostuetan hasten badira.

Halaber, 182/2002 Dekretuko lehen xedapen gehigarriaren arabera, Dekretua indarrean sartzean (2002ko abuztuaren 14an) ikastetxe publikoetan araubide bereziko irakaskuntzetako lanpostuetan dauden bitarteko irakasleak eta aldi baterako irakasle kontratatutak irakaskuntza horietako kidegoetako 1. hizkuntza-eskakizuneko lanpostuetako karrerako funtzionario izatera iritsi ahal izango dira, baldintza hori bete ez arren, eta hiru urteko epea izango dute karrerako funtzionario izendatzen dituztenetik, hizkuntza-eskakizuna egiaztatzeko.

2) Berariazko baldintzak

2.1.- Maisu-maistraren kidegoak

Ondorengo titulu hauetakoren bat izatea, edo hori emateko eskubideak ordainduta izatea:

- Maisu-maistraren titulua edo dagokion mailako titulua.
- Oinarrizko Hezkuntza Orokorreko irakasle-titulua.
- Lehen Hezkuntzako Maisu-maistraren titulua.

2.2.- Bigarren Hezkuntzako irakasleen kidegoak

a) Doktore, Lizentziatu, Ingeniari edo Arkitekto tituluaren edo dagokion graduko tituluaren jabe izatea edo titulu horietarikoren bat emateko eskubideak ordainduta izatea.

b) Maiatzaren 3ko 2/2006 Hezkuntzari buruzko Lege Organikoko 100.2 artikuluan aipatzen den prestakuntza pedagogiko eta didaktikoa edukitzea.

Azaroaren 8ko 1834/2008 Errege Dekretuak xedatutakoaren arabera, Derrigorrezko Bigarren Hezkuntzako, Batxilergoko, Lanbide Heziketako eta Hizkuntzetako irakasle gisa

jarduteko gai egiten duen Masterraren titulu ofiziala dutenek egiaztatzen dute prestakuntza hori.

Halaber, Espezializazio Didaktikoaren eta Trebakuntza Pedagogiko ziurtagiriaren titulu profesionalak, urriaren 3ko 1/1990 lege organikoak, Hezkuntza Sistemaren Antolamendu Orokorrarenak, xedatutakoaren babesean unibertsitateek antolatuak, eta Irakasteko Gaitasunaren Ziurtagiria, titulu horiek 2009ko urriaren 1a baino lehenago lortu badituzte, egiaztatzen dute prestakuntza hori.

2008/2009 ikasturteak bukatu aurretik bi ikasturte osotan, edo 12 hilabete jarraian edo etenekin, ikastetxe publikoetan edo behar den baimena duten irakaskuntza arautuko ikastetxe pribatuetan, irakaskuntza-espezialitateak azaroaren 8ko 1834/2008 Errege Dekretuan erregulatzen diren maila eta irakaskuntzetan, irakatsi izana egiaztatzen dutenei aipatutako lege organikoak 100. artikuluan ezarritako prestakuntza pedagogiko eta didaktikoaren baliokide gisa ezagutuko zaie emandako irakaskuntza hori.

Maisu edo maistraren, Oinarrizko Hezkuntzako irakaslearen, Lehen Hezkuntzako maisu edo maistraren, Pedagogian eta Psikopedagogian lizentziaturaren, eta lizentziatura edo prestakuntza pedagogikoa eta didaktikoa sartzan dituen titulazio baliokidea, tituluak dituztenak baldintza hori betetzetik salbuetsita daude, tituluak 2009ko urriaren 1a baino lehenago lortu badituzte.

2.3.- Hizkuntza-eskola ofizialetako irakasleen kidegoak

a) Doktore, Lizentziatu, Ingeniari edo Arkitekto tituluaren edo dagokion graduako tituluaren jabe izatea edo titulu horietarikoren bat emateko eskubideak ordainduta izatea.

b) Maiatzaren 3ko 2/2006 Hezkuntzari buruzko Lege Organikoko 100.2 artikuluan aipatzen den prestakuntza pedagogiko eta didaktikoa edukitzea.

Azaroaren 8ko 1834/2008 Errege Dekretuak xedatutakoaren arabera, Derrigorrezko Bigarren Hezkuntzako, Batxilergoko, Lanbide Heziketako eta Hizkuntzetako irakasle gisa jarduteko gai egiten duen Masterraren titulu ofiziala dutenek egiaztatzen dute prestakuntza hori.

Halaber, Espezializazio Didaktikoaren eta Trebakuntza Pedagogiko ziurtagiriaren titulu profesionalak, urriaren 3ko 1/1990 lege organikoak, Hezkuntza Sistemaren Antolamendu Orokorrarenak, xedatutakoaren babesean unibertsitateek antolatuak, eta Irakasteko Gaitasunaren Ziurtagiria, titulu horiek 2009ko urriaren 1a baino lehenago lortu badituzte, egiaztatzen dute prestakuntza hori.

2008/2009 ikasturteak bukatu aurretik bi ikasturte osotan, edo 12 hilabete jarraian edo etenekin, ikastetxe publikoetan edo behar den baimena duten irakaskuntza arautuko ikastetxe pribatuetan, irakaskuntza-espezialitateak azaroaren 8ko 1834/2008 Errege Dekretuan erregulatzen diren maila eta irakaskuntzetan, irakatsi izana egiaztatzen dutenei aipatutako lege organikoak 100. artikuluan ezarritako prestakuntza pedagogiko eta didaktikoaren baliokide gisa ezagutuko zaie emandako irakaskuntza hori.

Maisu edo maistraren, Oinarrizko Hezkuntzako irakaslearen, Lehen Hezkuntzako maisu edo maistraren, Pedagogian eta Psikopedagogian lizentziaturaren, eta lizentziatura edo prestakuntza pedagogikoa eta didaktikoa sartzan dituen titulazio baliokidea, tituluak dituztenak baldintza hori betetzetik salbuetsita daude, tituluak 2009ko urriaren 1a baino lehenago lortu badituzte.

2.4.- Musika eta Arte Eszenikoko irakasleen kidegoak

Doktore, Lizentziatu, Ingeniari edo Arkitekto tituluaren edo dagokion graduako tituluaren edo III. Eranskinean zerrendatutako irakaskuntzarako beste titulu baliokide batzuen jabe izatea edo titulu horietarikoren bat emateko eskubideak ordainduta izatea,



maiatzaren 3ko Hezkuntzako 2/2006 Lege Organikoak aipatzen dituen irakaskuntza-kidegoetako espezialitate berrietan sartu eta hartzeko erregelamenduko xedapen gehigarri bakarrean ezarritakoaren arabera, eta 276/2007 Errege Dekretuak, otsailaren 23koak, onartutako aipatutako legearen hamazazpigarren xedapen iragankorrak aipatzen duen sartzeko araubide iragankorra arautzen da.

Titulazio horiek atzerrian lortu izanez gero, homologatuta egon beharko dute, urtarilaren 16ko 86/1987 eta otsailaren 20ko 285/2004 Errege Dekretuen eta azaroaren 3ko ECI 3686/2004 Aginduaren arabera, edo, bestela, dagokion kidegoko irakasle-lanbidean jarduteko aitortuta egon beharko dute, 89/48/EEE Zuzentarauak eta urriaren 25eko 1665/1991 Errege Dekretuak zehaztutakoaren babesean, aplikatu ahal diren heinean.

- Urritasuna dutenentzat erresebatutako txandan parte hartzeko berariazko baldintzak

Prozedura horretan parte hartu ahal izango dute lortu nahi duten kidegoan sartzeko baldintza orokorrak eta berariazko baldintzak bete eta, horrez gain, Foru Aldundietako Gizarte Ongizate Saileko, Lan eta Gizarte Gaietako Ministerioko edo, hala egokituz gero, gai horretan eskuduntzak dituzten gainerako autonomia-erkidegokoetako organo eskudunek gutxienez % 33ko urritasun fisikoa aitortu diotenek, urritasuna irakaskuntzan aritzearekin bateraezina ez bada.

Erreserba horretarako aukera parte hartzeko eskaeran egin beharko da, eta berariaz adieraziko da horretarako eskatutako baldintza betetzen dela. Lanpostua lortutakoan, eskumena duten organoen ziurtagirien bidez egiaztatu beharko da adierazitako baldintza hori betetzen dela.

Hala ere, hautaprobak egitean, epaimahaiak zalantzarik izango balu izangaiak sartu nahi duen kidegoan funtzionarioek egin ohi dituzten jarduerak egiteko izangaiaren gaitasunaren inguruan, auziari buruzko irizpena eskatu ahal izango dio eskumena duen organoari. Kasu horretan, irizpena azaldu bitartean, izangaiak baldintzapean jarraitu ahal izango du hautaketa-prozesuan, eta etenda geratuko da prozesuan onartzeko edo prozesutik kanporatzeko behin betiko ebazpena, adierazitako irizpena jaso arte.

Sarbide libreko izangaien baldintza beretan egingo da hautaketa-prozesua, deialdiaren 3.1.2. atalean adierazitakoaren arabera eska daitezkeen denboraren eta baliabide materialen egokitzapenen kalterik gabe.

Ezinduei erresebatu-rikoen txandan lehiatzen diren izangaiek ezin izango dute espezialitate bererako lehiatu beste prozesuren baten bitartez, eta ezin izango dute prozeduraz aldatu gerora.

- Goragoko talde bateko kidegoetara sartzeko prozesuan parte hartzeko berariazko baldintzak

Prozedura honetan parte hartu ahal izango dute A-2 azpitaldean sailkatuta dauden Euskal Autonomia Erkidegoko irakasle funtzionarioek, deialdian ezarritako baldintza orokorrak betetzeaz gain, baldintza hauek egiaztatzen badituzte:

a) Bigarren Hezkuntzako irakasleen kidegoan sartzeko deialdi honetako oinarrietan agertzen diren tituluetako bat duela.



b) Jatorrizko kidegoan gutxienez sei urte izan dela karrerako funtzionario.

c) Lortu nahi duen lanpostuari dagokion 1. edo 2. hizkuntza-eskakizuna duela.

Sarbide-prozedura hau aukeratzen dutenek ezingo dute beste prozedura batetik parte hartu espezialitate bererako, eta ezingo dute prozedura aldatu gerora.

- Talde bereko beste kidego batzuetara eta kidego horietako destino osagarrien mailetara sartzeko prozeduretan parte hartzeko berariazko baldintzak

Prozedura honetan parte hartu ahal izango dute A-1 azpitaldeko Euskal Autonomia Erkidegoko irakasle funtzionarioek, deialdian ezarritako baldintza orokorrak betetzeaz gain, baldintza hauek egiaztatzen badituzte:

a) Hizkuntza-eskola ofizialetako irakasleen kidegoan sartzeko deialdi honetako oinarrietan agertzen diren tituluetakoa bat duela.

b) Lortu nahi duen lanpostuari dagokion 1. edo 2. hizkuntza-eskakizuna duela.

Sarbide-prozedura hau aukeratzen dutenek ezingo dute beste prozedura batetik parte hartu espezialitate bererako, eta ezingo dute prozedura aldatu gerora.

Oinarri honetan aipatutako baldintza guztiak bete beharko dira eskaerak aurkezteko epea amaitzean, eta karrerako funtzionarioaren kargua hartzeko egunera arte bete beharko dira, gainera, hizkuntza-eskakizuna baldintza izan ezik, eduki eta egiaztatu beharko dena deialdiaren 6.1.2. oinarrian xedatutako hizkuntza-eskakizuna probaren emaitzak argitara eman aurretik.

Onartua izateko eskabideak

Hautaketa-prozesuan onartua izateko eskabidea egin aurretik, deialdia bera arretaz irakurtzea komeni da, batez ere eskabideak aurkezteko epeei buruzko atalak, eskabideak betetzeko jarraibideei buruzko atalak, etab.

Hautatzeko prozesuan parte hartu nahi dutenek ondorengo Internet helbidean aurki daitekeen eskaera bete behar dute: <http://www.irakasle.net> edo <http://www.hezkuntza.ejgv.euskadi.net>.

Urritasuna duten izangaiek hala adieraziko dute eskabidean, horretarako dagokion laukian, bai eta probak egiteko eskatzen dituzten egokitzapenak ere, denborari zein baliabide materialei dagokienez, gainerako izangaiei baldintza beretan lehiatu ahal izateko. Eskabidean horretarako dagoen tokia nahikoa ez bada eskatzen den egokitzapena azaltzeko, inprimakiari erantsitako orrian azalduko da. Horrez gain, deialdiaren 3.3.1.b) atalean adierazitako dokumentua aurkeztuko dute.

Nazionalitate espainiarrik ez duten izangaiek gaztelaniaren ezagutza-proba egin behar duten ala ez adierazi beharko dute. Deialdiaren 6.1.1.1. oinarrian xedatutakoaren arabera



salbuetsita badaude, berariaz adierazi beharko dute, eta dagokion egiaztagiria aurkeztu beharko dute, tituluren bat badute edo aurreko deialdietan proba gainditua badute.

Hizkuntza-eskakizuneko proba egin behar duten pertsona izangaiek eskaeran adieraziko dute eta, dagokionean, deialdiaren 3.3.1.a oinarrian zehaztutako dokumentazioa aurkeztuko dute.

Deialdiaren 6.2.1.4.2. oinarrian deskribatutako baldintzak betetzen dituzten pertsonak nahiago badute B.2) zatiaren ordezkari hezkuntza-administrazioaren txostena aukeratzea, hala adierazi beharko dute eskabidean. Era beran, eskabidean zehaztu egin beharko dute zein hezkuntza-administrazioan ari diren zerbitzuak ematen 2010-2011 ikasturtean.

Tasak ordaintzea

Euskal Autonomia Erkidegoko Administrazioaren tasa eta prezio publikoen testu bategina onartzen duen irailaren 11ko 1/2007 Legegintzako Dekretuaren 36. artikuluan eta hurrengoetan xedatutakoari jarraituz, deialdi honetan parte hartu nahi duen izangai bakoitzak dagokion izen-emate tasa ordaindu beharko du.

Tasak eskaerak aurkezteko epearen barruan ordaindu beharko dira, eta bi bideotako bat aukeratu ahal izango da horretarako:

a) Jarraian aipatzen diren bankuetako edozein sukurtsaletan zuzenean ordaintzea, erakunde laguntzailearentzako frogagiria aurkeztuz:

1. Euskadiko Kutxa
2. BBK (Bilbao Bizkaia Kutxa)
3. Vital Kutxa
4. Gipuzkoa Donostia Kutxa
5. BBVA
6. Santander Central Hispano
7. Banco Guipuzcoano
8. La Caixa
9. Bankoa.

Inprimakiek barren kodea dutenez, kutxazain automatikoaren bidez egin daiteke ordainketa, irakurketa optikoarekin edo datuak eskuz antzemanaz.

b) ON-LINE ordaintzea: banku elektronikoaren sistemaren bitartez, sistemak berak erakusten dituen jarraibideen arabera, betiere interesduna modalitate horretako bezero baldin bada adierazitako banku-erakundeetatik edozeinetan. Ordainketa-mota horren bitartez, ez da alferreko joan-etorririk egin behar eta ez da ilaran itxaron behar. Gainera, eguneko 24 orduetan erabil daiteke.

Azterketa egiteko eskubideak ordaindu ezean edo epez kanpo ordainduz gero, izangaia prozesutik kanpo geldituko da. Banku-erakundearen agiriak aurkezteak eta tasak ordaintzeak ez du, inola ere, ordezkaturako eskabidea behar den denboran eta eran, oinarri honetan adierazitako moduan, betetzeko izapidea.

Agiriak aurkezteko tokia

Eusko Jaurlaritzako Hezkuntza, Unibertsitate eta Ikerketa Saileko Langileriaren Kudeaketa zuzendariari bidaliko zaio deialdiaren 3.3.1. oinarrian adierazitako dokumentazioa, eta toki hauetako batean aurkez daiteke:

a) Lurralde historiko bakoitzeko leku hauetan:

- Araba: Zuzenean, Ramiro Maeztu, 10 behea – Vitoria-Gasteiz
- Bizkaia: Zuzenean, Gran Vía, 85 – Bilbo
- Gipuzkoa: Zuzenean, Andia, 13 – Donostia-San Sebastian

b) Azaroaren 26ko 30/1992 Legeko, Herri Administrazioen Araubide Juridikoaren eta Administrazio Prozedura Erkidearen Legeko, 38.4 artikuluan aurrez ikusitako edozein eratan, xedapen horretan ezarritako baldintzen arabera. Dokumentazioa posta-bulegoren batean aurkeztuz gero, gutun-azal irekia erabiliko da, posta-langileak eskabidea datatu eta zigilatu dezan, ziurtatu baino lehen. Hala egin ezean, dagokion bulego publikoan sartu den datan aurkeztu dela joko da.

Eskaera Internet bidez burutzean, esleitutako erreferentzia-zenbakia eta 3.2 oinarrian ezarritako formen tasa ordaintzeko datuak biltzen dituen hartu-izanaren agiri bat lortuko da (Erakunde laguntzailearentzako alea). Gainera, izangaiarentzako ordezkagiri bat eskuratuko da (Pertsona interesatuarentzako alea). Bukatzeko, eskaeraren hirugarren ordezkagiri bat lortuko da (Administrazioarako alea), eta deialdiaren 3.3.1 oinarrian aipatutako betekizunetan daudenek bakarrik eta eskusiban aurkeztu beharreko dokumentazioari erantsiko diote eskabideak burutzeko epean.

Azterrian egindako eskabideak tokian tokiko Espainiako ordezkari-tza diplomatikoetan edo kontsulatuetan aurkeztu ahal izango dira, deialdiaren 3.5. oinarrian adierazitako epean, eta erakunde horiek eskumena duen administrazioa igorriko dituzte. Azterketa-eskubideen tasa ordaintzeko, deialdiaren 3.2. puntuan xedatutakoari jarraituko zaio.

Agiriak

Agiri hauek aurkeztu beharko dira eskabideak aurkezteko epean:

a) Hizkuntza-eskakizuna akreditatzeko proba egitea eskatzen eta txanda libre edo ezgaitasuneko erreserban parte hartzen arituz ere, Euskal Autonomia Erkidegoko ikastetxe publikoetan irakasle-ordezkapenak egiteko 2010/2011 ikasturteko izangaien zerrendan ez daudenek kidegoan sartzeko eskatutako tituluaren edo titulua emateko eskubideak ordaindu



izanaren frogagiriaren fotokopia konpultsatua aurkeztu behar dute. Gainera, Bigarren Hezkuntzako eta Hizkuntza Eskola Ofizialetako Irakasleen Kidegoan sartu nahi dutenek ere prestakuntza pedagogiko eta didaktikoa daukatela akreditatzen duen dokumentuaren fotokopia konpultsatua aurkeztu behar dute, deialdiaren 11.1.f) oinarrian ezarritakoaren arabera.

Atzerrian lortutako tituluen kasuan, dagokion homologazioa edo irakasle-kidegoan jarduteko behar den onespeneraren kredentziala erantsi beharko da, 89/48/EEE Zuzentaraua eta urriaren 25eko 1665/1991 Errege Dekretua aplikatuz.

Dokumentazio hori ez aurkeztuz gero, hizkuntza-eskakizunak akreditatzeko proba ezingo dute egin.

b) Urritasuna duten izangaiek probak egiteko denboraren eta baliabide materialen egokitzapenak eskatzen badute, urritasun-maila zehazteko organo tekniko eskumendunak emandako medikuaren irizpen teknikoa aurkeztu beharko dute, fede emanez egiaztatzen dituen aitortutako urritasun-maila eragin duten urritasun iraunkorrak, hautaketa-organismoak balioetsi ahal izan dezan eskatutako egokitzapenak bidezkoak diren ala ez.

c) Espainiar nazionalitatearik ez duten izangaiek deialdiaren 6.1.1.1. oinarrian adierazitakoaren arabera gaztelaniaren ezagutza-proba egitetik salbuetsita geratu nahi badute oinarri horretan aipatutako tituluren bat dutelako, tituluen fotokopia konpultsatua edo tituluak emateko eskubideak ordaindu direla egiaztatzen duen agiriaren fotokopia konpultsatua aurkeztu beharko dute.

Halaber, aurreko deialdietan proba gainditu dutela-eta salbuetsita geratu nahi duten izangaiek proba gainditua dutela egiaztatuko duen agiria aurkeztu beharko dute.

Dokumentu horiek aurkeztu ezean, interesdunak ezingo dira salbuetsi, eta, hortaz, proba egin beharko dute, deialdiaren 6.1.1. oinarrian ezarritakoaren arabera.

d) Zerbitzuak beste autonomia-erkidego batzuetako hezkuntza-administrazioetan ematen dituztenek administrazio horiek emandako zerbitzu-orriak aurkeztu beharko dituzte, B.2) ariketa ordezteko nahi badute, deialdiaren 6.2.1.4 oinarrian aurreikusitakoaren arabera. Zerbitzu-orri horretan adierazi egin beharko da zein kidego eta espezialitatetan izendatu ziren izangaiek eta, halaber, adierazi egin beharko da zein egun zehaztuta eman diren zerbitzuok.

Euskal Autonomia Erkidegoko bi hizkuntza ofizialetako bateko itzulpen ofizial eta guzti aurkeztu beharko dira gaztelania ez den atzerriko hizkuntzaren batean emandako dokumentazio guztiak. Itzulpenak zinpeko interpreteak eginga beharko du, edo bestela, dagokion kontsulatu edo bulego diplomatikoak baliozkotua.

Autonomia-erkidegoetako beste hizkuntzetan idatzitako dokumentuak ere (euskaraz idatzitako dokumentuak izan ezik) Euskal Autonomia Erkidegoko bi hizkuntza ofizialetako batera zinpeko interpreteak itzulita aurkeztu beharko dira.

Epea

Eskabideak betetzeko eta aipatutako dokumentazioa aurkezteko epea (azken hau deialdiaren 3.3.1. oinarrian aurreikusitako kasuetan bakarrik) **hogei egun naturalekoa izango da, deialdi hau Euskal Herriko Agintaritzaren Aldizkarian argitara eman eta hurrengo egunetik kontatzen hasita.**



EPE: Maisu-maistren, Bigarren Hezkuntzako irakasleen, Hizkuntza-eskola ofizialetako irakasleen eta Musika eta Arte Eszenikoko irakasleen kidegoak

SARBIDE EDO IRIZPIDEKO PROZEDURAK

[Sarbide libreko prozedura](#)

[Ezinduei erreserbaturiko prozedura](#)

[Gorako talde bateko kidegoetara sartzeko prozedura](#)

[Talde bereko beste kidego batzuetara eta kidego horietako destino osagarrien mailetara sartzeko prozedura](#)

IRISTEKO ETA SARTZEKO PROZEDURAK

Deialdian eskaintzen diren plazak kidego, espezialitate, hizkuntza-eskakizuna eta txandaren arabera antolatu dira. Sartzeko edo iristeko prozedurei dagokienez (txandei dagokienez), honela banatzen dira:

Sarbide libreko prozedura

Baldintza orokorrak (nazionalitatea, adina, hizkuntza-gaitasuna, etab....) betetzeaz gain, berariazko baldintzak betetzen dituen edonor aurkez daiteke (dagozkion kidegoetara iristeko titulazioa, edo deia egiten den kidego eta espezialitateen arabera sartzeko ezartzen diren gainontzeko baldintzak baldin badu).

Ikus [onartua izateko betebeharezkoak](#).

Ezinduei erreserbaturiko prozedura

Prozedura horretan parte hartu ahal izango dute lortu nahi duten kidegoan sartzeko baldintza orokorrak eta berariazko baldintzak bete eta, horrez gain, Foru Aldundietako Gizarte Ongizate Saileko, Lan eta Gizarte Gaietako Ministerioko edo, hala egokituz gero, gai horretan eskuduntzak dituzten gainerako autonomia-erkidegokoetako organo eskudunek gutxienez % 33ko urritasun fisikoa aitortu diotenek, urritasuna irakaskuntzan aritzearekin bateraezina ez bada.

Erreserba horretarako aukera parte hartzeko eskaeran egin beharko da, eta berariaz adieraziko da horretarako eskatutako baldintza betetzen dela. Lanpostua lortutakoan, eskumena duten organoen ziurtagirien bidez egiaztatu beharko da adierazitako baldintza hori betetzen dela.

Ezinduei erreserbaturikoen txandan lehiatzen diren izangaiek ezin izango dute espezialitate bererako lehiatu beste prozesuren baten bitartez, eta ezin izango dute prozeduraz aldatu gerora.

Goragoko talde bateko kidegoetara sartzeko prozedura

Prozesu honetan parte hartu ahal izango dute B taldean sailkatuta dauden Euskal Autonomia Erkidegoko irakasle funtzionarioek, deialdian ezarritako baldintza orokorrak betetzeaz gain, baldintza hauek egiaztatzen badituzte:

- a) Bigarren Hezkuntzako irakasleen kidegoan sartzeko deialdi honetako oinarrietan agertzen diren tituluetako bat duela.
- b) Jatorrizko kidegoan gutxienez sei urte izan dela karrerako funtzionario.
- c) Lortu nahi duen lanpostuari dagokion 1. edo 2. hizkuntza-eskakizuna duela.

Sarbide-prozedura hau aukeratzen dutenek ezingo dute beste prozedura batetik parte hartu espezialitate bererako, eta ezingo dute prozedura aldatu gerora.

Talde bereko beste kidego batzuetara eta kidego horietako destino osagarrien mailetara sartzeko prozedura

Prozedura honetan parte hartu ahal izango dute A-1 azpitaldeko Euskal Autonomia Erkidegoko irakasle funtzionarioek, deialdian ezarritako baldintza orokorrak betetzeaz gain, baldintza hauek egiaztatzen badituzte:

- a) Hizkuntza-eskola ofizialetako irakasleen kidegoan sartzeko deialdi honetako oinarrietan agertzen diren tituluetako bat duela.
- b) Lortu nahi duen lanpostuari dagokion 1. edo 2. hizkuntza-eskakizuna duela.

Sarbide-prozedura hau aukeratzen dutenek ezingo dute beste prozedura batetik parte hartu espezialitate bererako, eta ezingo dute prozedura aldatu gerora.

Txanda guztietan:

Oinarri honetan aipatutako baldintza guztiak bete beharko dira eskaerak aurkezteko epea amaitzean, eta karrerako funtzionarioaren kargua hartzeko egunera arte bete beharko dira, gainera, hizkuntza-eskakizuna baldintza izan ezik, eduki eta egiaztatu beharko dena deialdi honen 6.1.2. oinarrian xedatutako hizkuntza-eskakizuna probaren emaitzak argitara eman aurretik.



EPE: Maisu-maistren, Bigarren Hezkuntzako irakasleen, Hizkuntza-eskola ofizialetako irakasleen eta Musika eta Arte Eszenikoko irakasleen kidegoak

HAUTAKETA PROZESUAREN GARAPENA

[Onartuen eta baztertutakoen zerrendak](#)
[Hautaketa-batzordeak eta Epaimahaiak](#)
[Oposizioa eta lehiaketa](#)
[Lanpostuen esleipena](#)

HAUTAKETA PROZESUAREN GARAPENA

Atal honetan jorratzen dira hautaketa-prozesuaren alderik garrantzitsuenak, izangaiek kontuan hartu behar dituztenak.

Onartuen eta baztertuen pertsonen zerrendak

Hautaketa-prozesuan onartu diren eta bazter utzi diren pertsonen izenak jendaurrean jartzen dituzten zerrendak dira.

3.5 puntuan adierazitako eskabideak betetzeko epea amaitutakoan, Langileriaren Kudeaketarako zuzendariak ebazpena emango du hilabetean gehienez, eta onartutzat deklaratu du pertsona onartuen eta baztertuen behin-behineko zerrenda. Ebazpen hori Euskal Herriko Agintaritzaren Aldizkarian argitaratuko da eta, bertan, zerrenda hori non dagoen erakusgai adieraziko da, jendeak ikus dezan.

Onartutakoen eta baztertutakoen behin-behineko zerrenda hori Hezkuntzako Lurralde Ordezkaritzetan azalduko da, bai eta Hezkuntza, Unibertsitate eta Ikerketa Sailaren interneteko helbidean ere (<http://www.irakasle.net> edo <http://www.hezkuntza.ejgv.euskadi.net>).

Komeni da nork bere izena onartuen pertsonen zerrendan dagoela egiaztatzea.

Behin-behineko onartuen pertsonen zerrendarekin batera, behin-behineko baztertutakoen zerrenda eta baztertutakoen zerrenda eratzeko arrazoia ere argitaratuko dira.

Izangaiek **erreklamazioa** aurkeztu ahal izango dute aurreko paragrafoan aipatzen den behin-behineko zerrendaren kontra, **hamar laneguneko epean**, argitara eman eta hurrengo egunetik kontaktatu hasita, edo zuzendu ahal izango dute zerrendatik kanpo utzi dituen akatsa. Halaber, datu pertsonaletan akatsak antzeman dituzten izangaiek akatsak daudela adierazteko aukera izango dute epe horretan.

Erreklamazioak Langileriaren Kudeaketarako zuzendariari bidaliko zaizkio, eta deialdiaren 4.1 oinarrian aipatutako ebazpenean adieraziko diren tokietan edo Herri



Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeak 38.4. artikuluan aipatzen dituen bulegoetan aurkeztuko dira.

Adierazitako epe horretan interesdunak ez badu konpontzen zerrendatik kanpora utzi duen arrazoia, bere eskabidean atzera egin duela ulertuko da, azaroaren 26ko 30/1992 Legeak, Herri Administrazioen Araubide Juridikoaren eta Administrazio Prozedura Erkidearen Legeak, 71.1. artikuluan xedatutakoaren arabera.

Langileriaren Kudeaketa zuzendariak emandako ebazpenaren bidez onartu edo ezetsiko dira aurkeztutako erreklamazioak. Ebazpen berak onetsitzat joko du **onartutakoen eta baztertutakoen behin betiko zerrenda**, eta Euskal Herriko Agintaritzaren Aldizkarian emango da argitara.

Egiazta ezazu onartuen behin betiko zerrendan agertzen zaren, zerrenda hori izango da-eta probak egiteko unean erabiliko dena.

Interesdunek **gora jotzeko errekurtoa** aurkeztu ahal izango diote Administrazio eta Zerbitzuen sailburuordeari ebazpen horren aurka, hilabeteko epean, argitara eman eta hurrengo egunetik kontatzen hasita.

Onartutakoen eta baztertutakoen behin betiko zerrendaren arabera, prozesurako onartuta bezala agertzen diren izangaiak joan ahal izango dira azterketa egitera. Gainera, baztertuta bezala agertu arren, deitutako ekitaldian ebazteko dagoen gora jotzeko errekurtoa jarrita dutela egiaztatzen duten izangaiak ere joan ahal izango dira.

Onartutakoen zerrendan agertzeak ez du esan nahi eskatzen zaizkien baldintzak beteta dituztela aitortzen zaienik interesdunei. Deialdi honen 11. oinarriak xedatutakoari jarraiki, gainditzen dutenek aurkeztu behar dituzten agiriak ikusita interesdun batek eskatutako betebeharren bat ez duela betetzen egiaztatzen bada, prozedura honetan parte hartzetik ondoriozta litezkeen eskubide guztiak galduko ditu.

Hautaketa-batzordeak eta Epaimahaiak

Hautaketa-batzordeak eta Epaimahaiak egingo dute izangaien aukeraketa.

Epaimahaiak

Epaimahaien osaera EHAA-n erakutsiko da, onartutako eta baztertutako pertsonen behin betiko zerrenda argitaratu ostean.

Espezialitate bakoitzean beharrezko ikusten den beste epaimahai izendatu ahal izango dira.

Espezialitate bakoitzeko eskatzaile-kopuruaren arabera izango da espezialitate bakoitzeko izangaiak epaitzeko izendatu beharreko epaimahaien kopurua, eta, halakorik balego, hautaketa-batzordea.



Espezialitateren batera izangai gutxi aurkeztuz gero, eta sarbide-prozedura bakoitzerako epaimahai desberdinak izendatzea egoki ez bada, epaimahai bakarra izendatu ahal izango da, eta era berezian jardungo du prozedura bakoitzerako.

Halaber, epaimahai bakar bat izendatu ahal izango da Kidego bakar bateko espezialitate baterako baino gehiago. Musika eta Arte Eszenikoen Irakasleen Kidegoko espezialitateetan eta Autonomia Erkidego honetan karrerako funtzionarioen Kidego horretako kopuru txikia ikusita, hainbat instrumentutarako epaimahaiak eratu daitezke eta, horietako bakoitzean beti ere instrumentu bakoitzeko espezialistaren bat egon behar da.

Epaimahaiek bosna kide izango dituzte; hau da, epaimahaiburu bana eta launa epaimahaikide. Denek izan beharko dute irakasleen kidegoetako jarduneko karrerako funtzionario edo hezkuntzako ikuskari. Izangaiek zein kidegotara iritsi nahi duten, kidego horren sailkapen-maila bera edo handiagoa duten kidegoetakoak izango dira epaimahaikideak, eta gehienak kidego horretakoak izango dira.

Hezkuntza, Unibertsitate eta Ikerketa sailburuak libreki izendatuko du epaimahaiburua. Beste lau epaimahaikideak, berriz, honela izendatuko dira: oinarri honetan aipatzen diren funtzionarioen artean egingo den zozketaren bidez hautatuko dira. Salbuespen gisa, titularren kopuru txikiagatik zozketa egiterik ez dagoen espezialitateetan, zuzenean izendatuko dira.

Kidegoan antzinatasun txikiena duen kidea arituko da idazkari, epaimahaiak besterik erabaki ezean.

Epaimahaiak izendatzerakoan, kontuan izango da espezialitatearen printzipioa; hau da, epaimahaikide gehienek epaituko duten espezialitateko titular izan behar dute. Espezialitate bereko irakasleak ez daudelako ezinezkoa bada, kideko espezialitateetako karrerako funtzionarioekin osa daitezke epaimahaiak, eta aholkulari espezialistak izenda daitezke, kasu horretan.

Halaber, oinarritutako arrazoi objektiboek eragozten ez badute, trebakuntza, gaitasun eta prestakuntza egokia duten emakumezkoen eta gizonezkoen ordezkariak orekatua izatea bermatuko da, otsailaren 18ko Emakumeen eta Gizonen arteko Berdintasunerako 4/2005 Legearen 20.4.b) eta 20.6 artikuluetan aurreikusita dagoenaren arabera.

Epaimahaiak izendatzean, autonomia-erkidego honetan ofizial diren bi hizkuntzetan gai izatea bermatuko da.

Prozedura berari jarraiki, epaimahaikide titular bakoitzaren ordezkoa izendatuko da.

Epaimahaiek edo, dagokionen, Hautaketa Batzordek, euren lanetara aholkulari espezialistak sartzea proposa dezakete, baita laguntzarako funtzio teknikoak egiteko laguntzaileak ere. Horien lana espezialitate teknikoetan laguntza ematea baino ez da izango. Langileriaren Kudeaketa zuzendariak izendatuko ditu.

Epaimahaiei dagokie:

- a) Hautaketa-prozesuko aldien garapena, deialdi honetan xedatutakoaren arabera.
- b) Oposizio-aldiko probaren kalifikazioa.
- c) Lehiaketa-faseko merituen balorazioa.
- d) Hautaketa-batzordeei agindutako eginkizunak, halako batzorderik ez badago.



Epaimahaiek euren lanetara aholkulari espezialistak sartzea proposa dezakete, baita laguntzarako funtzio teknikoak egiteko laguntzaileak ere. Haien lana espezialitate teknikoetan laguntza ematea baino ez da izango. Langileriaren Kudeaketa zuzendariak izendatuko ditu.

Hautaketa-batzordeak

Aurkeztutako eskabide-kopurua dela-eta epaimahai bat baino gehiago eratu beharko balitz espezialitate baterako edo batzuetarako, hautaketa-batzordeak eratuko dira dagozkion espezialitateetarako.

Espezialitateko epaimahaiburuek osatuko dituzte batzordeak. Gutxienez bost kide izango dituzte batzordeak, eta epaimahaiburuen kopurua bost baino txikiagoa izanez gero, epaimahaikideek osatuko dituzte batzordeak. Espezialitate bakoitzean kopururik txikiena duen epaimahaiko burua arituko da batzordeburu, eta batzordeko kideen artean kidegoan antzinatasunik txikiena duen pertsona izango da idazkari, batzordeak besterik erabaki ezean.

Epaimahai bakarra izendatzen den espezialitateetan, epaimahaiak jardungo du hautaketa-batzorde gisa, ondorio guztietarako.

Hautaketa-batzordeei dagokie:

a) Epaimahaien arteko koordinazioa.

b) Epaimahaien jarduera-irizpideak zehaztea eta epaimahaien jarduera-irizpideak homogeneizatzea. Horretarako, epaimahaiek probaren A eta B zatia kalifikatzeko jarraitu beharko dituzten balorazio-irizpideak finkatu beharko dituzte, eta hala badagokio, B2 ariketa ordeztzen duen txostena baloratzeko irizpideak.

Agiri horiek Langileriaren Kudeaketa zuzendaritzara igorriko dira hautaketa-prozesua amaitutakoan.

c) Epaimahaiek oposizio-aldian emandako puntuak lehiaketa-aldiko puntuei batzea, izangaiak sailkatzea eta oposizio-lehiaketa gainditzen dutenen izenak aldarrikatzea.

d) Hautatuak izan diren eta hautaketa-prozesua gainditu duten izangaien zerrendak prestatzea, eta deialdia egin duen organoari zerrenda horiek helaraztea.

Hautaketa-prozesuak iraun bitartean, arau hauek aplikatzerakoan sor litezkeen zalantza guztiak hautaketa-batzordeak ebatziko dituzte, eta aurreikusi ez diren egoeretan zer egin behar den erabakiko dute.

Borondatezko parte-hartzea

Beren borondatez epaimahairen batean kide gisa parte hartu nahi dutenek aurkeztu beharko dute idatzi bat, Langileriaren Kudeaketa zuzendariari zuzendua, Agindu hau Euskal Herriko Agintaritzaren Aldizkarian argitara eman eta hurrengo egunetik kontatzen hasita 2011ko otsailaren 15era arte.

Oposizioa eta lehiaketa

Hautaketa-prozesuak bi aldi izango ditu: lehiaketa-aldia eta oposizio-aldia.

Lehiaketa

2011ko otsailaren 14tik 28ra bitartean aurkeztu beharko da deialdiaren I. eta II. eranskin gisa gaineratzen diren baremoetan aipatutako merezimenduak **justifikatzeko dokumentazio guztia** (jatorrizkoa edo fotokopia konpultsatua). Deialdi honetan zehaztutako dokumentazioaren bidez eta ezarritako epearen barruan behar bezala justifikatutako merezimenduak hartuko dira kontuan, ez besterik.

Eskabideak aurkezteko epea bukatzen den egunera arte egindako merezimenduak baino ez dira barematuko.

Izangai bakoitzak merezimenduen balorazioan lor dezakeen gehieneko puntuazioa, lehiaketa-aldian, 10 puntukoa da.

Izangaiak izango dira aurkeztutako dokumentazioaren berariazko arduradunak. Dokumentazioaren bat manipulaturik gero edota faltsutzerik eginez gero, ezingo dute deialdi honetan parte hartu, eta, horrez gain, aurre egin beharko diote faltsutze horretatik eratorritako erantzukizunari.

Administrazioak edozein unetan beharrezkotzat jotzen duen dokumentazioaren egiaztatzea eskatzeko eskubidea izango du.

Euskal Autonomia Erkidegoko bi hizkuntza ofizialetako bateko itzulpen ofizial eta guzti aurkeztu beharko dira gaztelania ez den atzerriko hizkuntzaren batean emandako dokumentazio guztiak. Itzulpenak zinpeko interpreteak egina beharko du, edo bestela, dagokion kontsulatu edo bulego diplomatikoak baliozkotua.

Autonomia-erkidegoetako beste hizkuntzetan idatzitako dokumentuak ere (euskaraz idatzitako dokumentuak izan ezik) Euskal Autonomia Erkidegoko bi hizkuntza ofizialetako batera zinpeko interpreteak itzulita aurkeztu beharko dira.

Izangai bakoitzari dagokion puntuazioaren ezarpena, epaimahaiek delegatuta, hurrengoek egingo dute:

- Batzorde Barematzaileak, dagokion espezialitatearekin lotutako kideak izango dira: presidente bat, Hezkuntzako ikuskatzailea izango dena; eta lau epaimahaikide, kidegoko eta dauden batzordearen espezialitateko karrerako funtzionarioak izango direnak. Espezialitate bereko irakasleak ez daudelako ezinezkoa bada, kideko espezialitateetako karrerako funtzionarioekin osa daitezke batzordeak, eta aholkulari espezialistak izenda daitezke, kasu horretan. Langileen Kudeaketarako zuzendariak izendatuko ditu. Deialdiaren I. eranskinetako II.5., III.1. eta III.3. ataletako merezimenduak eta deialdiaren II. eranskinetako II, III.2.1., III.2.2. eta III.2.3. ataletako merezimenduak.
- Langileriaren Kudeaketarako Zuzendaritzaren Unitateek: Gainontzeko merezimenduak.



Onartutakoen eta baztertutakoen behin betiko zerrenda onartu ondoren, Langileriaren Kudeaketarako zuzendariaren ebazpenaren bidez iragarriko da izangaiek lehiaketa-aldian lortutako puntuazioa; informazio hori Hezkuntzako Lurralde Ordezkaritzetan eta Hezkuntza, Unibertsitate eta Ikerketa Sailaren web orrian (<http://www.irakasle.net> edo <http://www.hezkuntza.ejgv.euskadi.net>) jakinaraziko da.

Horretarako interesa duten pertsonak, Langileriaren Kudeaketarako zuzendariari erreklamazio idatzi bat bidal diezaioke; jakinarazpena egiten denetik hamar laneguneko epea izango dute horretarako.

Behin erreklamazioak ebatzita, lehiaketa-aldian lortutako behin betiko puntuazioak jakinaraziko dira, Langileriaren Kudeaketarako Zuzendariaren ebazpenaren bidez; ebazpen hori Hezkuntzako Lurralde Ordezkaritzetan eta Hezkuntza, Unibertsitate eta Ikerketa sailaren web orrian (<http://www.irakasle.net> edo <http://www.hezkuntza.ejgv.euskadi.net>) iragarriko da.

Ebazpen horren aurka –prozedura ez da ebazpen horrekin amaitzen–, ez dago errekurtsioa jartzerik; interesa duten pertsonak deialdi honen 10.2. oinarrian aurreikusten den amaierako ebazpenaren aurkako gorako errekurtsioa jarri ahal izango dute.

Lehiaketa-aldiaren kalifikazioa oposizio-aldia gainditu duten izangaiei soilik aplikatuko zaie.

Oposizioa

Aurreko probak:

1.- Gaztelaniaren ezagutza egiaztatzeko proba, nazionalitate espainiarrik ez duten izangaientzat

Oposizio-aldiko probak egin aurretik, nazionalitate espainiarrekoak ez diren izangaiek proba baten bidez egiaztatu beharko dute gaztelaniaren ezagutza, hizkuntza hori behar bezala ulertzeko eta ahoz eta idatziz erabiltzeko gai direla egiaztatzeko. Proba hori baloratzeko epaimahaia izendatuko duen ebazpenean zehaztuko dira probaren tokia, data eta ordua.

Proba egitetik salbuetsita daude titulu hauetakoren bat dutenak: Atzerriko Hizkuntza gisa Espainiaren Goi Mailako Diploma (urriaren 31ko 1137/2002 Errege Dekretuak ezarria), Atzerritarrentzako Espainiaren Gaitasun Ziurtagiria (hizkuntza-eskola ofizialek emana) edo Filologia Hispanikoan edo Erromanikoan lizentziaduna izatearen titulua; betiere, dagokion egiaztagiria erantsi badiote eskabideari.

Salbuetsita geratzen dira, halaber, dagokion Kidegoan sartzeko alegatzen duten titulua Espainiako estatuan emana eta burutua duten pertsonak, jatorria dela-eta gaztelania ezagutuko dutela ondorioztatu dakiekeen naziotasun ez espainiarreko pertsonak eta aurreko deialdietan proba hau gainditu izana akreditatzen dutenak.

Izangaiei egindako deialdian zehaztuko dute epaimahaiek gaztelaniaren ezagutza egiaztatzeko probaren edukia. Horretarako, aintzat hartuko da urriaren 31ko 1137/2002 Errege Dekretua (azaroaren 8ko EAOa).



Epaimahaiburu batek eta lau kidek osatuko duten epaimahaiak baloratuko du atal honetan aipatzen den proba. Langileriaren Kudeaketa zuzendariak Euskal Autonomia Erkidegoko Bigarren Hezkuntzako irakasleen kidegoko jarduneko funtzionarioen artean izendatuko ditu epaimahaikideak, Gaztelania eta Literaturaren espezialitatean.

Proba "gai" ala "ez gai"rekin kalifikatuko da, eta "gai" kalifikazioa atera beharko da, oposizio-aldiko probak egin ahal izateko.

Proba bukatu eta kalifikatu ondoren, Hezkuntzako Lurralde Ordezkaritzetan eta Hezkuntza, Unibertsitate eta Ikerketa Sailaren web-orrian (<http://www.irakasle.net> edo <http://www.hezkuntza.ejgv.euskadi.net>) erakutsiko dira ateratako emaitzak. Interesdunek gora jotzeko errekurtsioa aurkeztu ahal izango diote Langileriaren Kudeaketa zuzendariari, hilabeteko epean, emaitzak erakutsi eta hurrengo egunetik kontatzen hasita.

Proba hau baztertzailea da, eta, hortaz, probara aurkeztu behar izan eta aurkeztu ezean edo "gai" kalifikazioarekin gainditu ezean, izangaia hautaketa-prozesutik kanpora geratuko da.

2.- Hizkuntza-eskakizunak egiaztatzeko proba

Euskal Autonomia Erkidegoko unibertsitatez kanpoko irakaskuntzako irakasleen kidegoei buruzko otsailaren 19ko 2/1993 Legearen 53. artikuluan xedatutakoaren arabera, 1. eta 2. hizkuntza-eskakizunak horretarako berariaz egingo diren proben bitartez egiaztatuko dira, aukeratzen den espezialitatearen arabera. Proba horietan onartua izateko, 3.1.4 eta 3.3.1.a oinarrietan ezarritako betekizunak bete behar dira.

Dena den, hizkuntza-eskakizun bakoitzari buruz, proba horiek egitetik salbuetsita geratutako dira martxoaren 9ko 47/1993 Dekretuak araututako HE1 edo HE2 hizkuntza-eskakizunak dauzkatala akreditatzen duten pertsonak, baita hizkuntza-eskakizun horien baliokideak edo homologatuak diren hizkuntza-ziurtagiri bat daukatela akreditatzen duten pertsonak, ondorengo dekretuetan aurreikusitakoaren arabera: goian adierazitakoaren hirugarren xedapen gehigarria (martxoaren 10eko 42/1998 Dekretuan emandako erredakzioan); urriaren 6ko 263/1998 Dekretua, Euskararen Gaitasun Agiriaren eta irakaspostuetarako Hizkuntz Eskakizunen baliokidetzak finkatu, eguneratu eta berresten dituen; azaroaren 9ko 297/2010 Dekretua, euskararen jakite-maila egiaztatzen duten tituluak eta ziurtagiriak baliokidetu, eta Hizkuntzen Europako Erreferentzi Marko Bateratuko mailekin parekatzeko dena.

Martxoaren 9ko 47/1993 Dekretuak 11. artikuluan xedatutakoarekin bat etorritik, proba horien edukia, forma eta probak baloratzeko modua ezartzen dituzte Hezkuntza, Unibertsitate eta Ikerketa sailburuaren 1998ko urriaren 22ko Aginduak eta Hezkuntzako sailburuordearen 2010eko azaroaren 2ko Ebazpenak, 2011. urtean irakasleentzako hizkuntza-eskakizunak egiaztatzeko azterketetarako deia egiten duenak.

Aurreko puntuan adierazitako araudiaren arabera izendatutako epaimahaiak baloratuko dute proba hori.

Edozein hizkuntza-eskakizunetan, kalifikazioa "gai" ala "ez gai" izango da, eta "gai" kalifikazioa lortu beharko da oposizio-aldiko probak egitera pasatzeko.

Proba bukatu eta kalifikatu ondoren, ateratako emaitzak Hezkuntza, Unibertsitate eta Ikerketa Sailaren web-orrian (www.hezkuntza.ejgv.euskadi.net/euskara) jarriko dira

ikusgai. Emaizak argitara eman eta hiru laneguneko epean, interesdunek idatzizko erreklamazioa aurkeztu ahal izango dute, kalifikazioa berrikusteko. Horretarako, dagokion azterketako epaimahaiburuari egin beharko dio erreklamazioa, eta lurralde horretako hezkuntza-ordezkaritzan aurkeztu beharko du.

Proba baztertzalea da, eta, beraz, eskatutako hizkuntza-eskakizunik ez duten izangaiak —2.1.f) oinarriak aurreikusi duen erregimen iragankorraren arabera egiaztatzen salbuetsita ez daudenak— probara aurkeztu ez badira edo, aurkeztuz gero, “gai” kalifikazioa jasotzen ez badute, hautaketa-prozesutik kanpora geratuko dira.

Langileriaren Kudeaketarako zuzendariak epe bat irekiko du hautaketa-prozesuaren barruan, eta horren berri emango da Hezkuntzako Lurralde Ordezkaritzetako iragarki-tauletan eta Hezkuntza, Unibertsitate eta Ikerketa Sailaren web-orrian (<http://www.irakasle.net> edo <http://www.hezkuntza.ejgv.euskadi.net>), 1. HE edo 2. HE hizkuntza-eskakizuna egiaztatuta duten izangaiak egiaztagiria eman dezaten, dagoeneko Hezkuntza, Unibertsitate eta Ikerketa Sail honen eskura dauden egiaztagiri hauek izan ezik:

- Hezkuntzako 1. hizkuntza-eskakizuna

- Hezkuntzako 2. hizkuntza-eskakizuna

- EGA

- Euskal Autonomia Erkidegoko hizkuntza-eskola ofizialetako euskararen gaitasun- edo aurreratu-mailaren agiria.

Oposizio aldiko probak

Txanda librerako eta urritasunen bat dutenentzat erresebatutako txandarako oposizio-aldia

Oposizio-aldiko probaren edukiak alderdi hauek hartuko ditu aintzat: izangaiak irakaskuntzan aritzeko behar dituen berriazko ezagutzak, izangaien gaitasun pedagogikoa eta irakasteko behar diren teknikak menderatzea.

Oposizio-aldiak proba bakarra izango du, eta kanporatzaileak izango ez diren bi zatitan egituratuta egongo da. Epaimahaiak probaren azken nota globala besterik ez du argitara emango.

Proba eta proba horren bi zatia ondoren adierazten denari lotuko zaizkio:

A zatia: zatiaren helburua izango da izangaiak irakaskuntzan aritzeko behar diren ezagutzak dituela frogatzea. Zati horretan, epaimahaiak ausaz ateratako gai-multzo baten artetik izangaiak gai bat aukeratu eta garatu behar du idatziz. Gai-kopurua espezialitate bakoitzeko gai-zerrendari dagozkien gaien kopuru osoaren proportzionala izango da, honako irizpide hauen arabera:

a) 25 gai baino gehiago ez duten espezialitateetan, hiru gairen artean aukeratu beharko da.

b) 25 gai baino gehiago eta 51 gai baino gutxiago duten espezialitateetan, lau gairen artean aukeratu beharko da.

c) 50 gai baino gehiago duten espezialitateetan, bost gairen artean aukeratu beharko da.

Proba hori prestatzeko gai-zerrendak deialdiaren IV. eranskinean zehaztuta daude.

Izangaiak bi ordu izango dituzte zati hori egiteko.

B zatia: zatiaren helburua izango da izangaiaren gaitasun pedagogikoa eta irakaskuntzan aritzeko teknikak nola menderatzen dituen egiaztatzea. Proba horretan, izangaiak programazio didaktiko bat aurkeztu eta defendatu eta unitate didaktiko bat prestatu eta ahoz azaldu beharko du. Trebetasun instrumental edo teknikoak barne hartzen dituzten espezialitateetan, bigarren zati honek ariketa praktikoa izango du barruan.

B.1.- Programazio didaktiko baten aurkezpena eta defentsa

Espezialitate guztietarako, Maisu-maistren kidegoko Pedagogia Terapeutiko eta Entzumena eta Hizkuntzarako izan ezik, programazio didaktikoa parte hartzen den espezialitateari lotutako arlo, irakasgai, modulu edo eremu (Haur Hezkuntzako espezialitatearako) baten curriculumari buruzkoa izango da (Euskal Autonomia Erkidegoan arlo, irakasgai edo modulu horri buruz indarrean dagoen curriculumari buruzkoa), eta helburuak, edukiak, ebaluazio-irizpideak, metodologia eta gaitasunak (edo ahalmenak, Musika eta Arte Eszenikoko irakasleen Kidegoan) eskuratzeari egiten dion ekarpena azaldu beharko ditu, bai eta hezkuntza-laguntzako premia bereziak dituzten ikasleei eman beharreko arreta ere.

Irakasleak ikasturte bat garatuko du programazioan, espezialitatea emateko eskumena duen hezkuntza-maila edo –etapa bateko ikasturte bat.

Bigarren Hezkuntzako irakasleen kidegoan sartu nahi duten izangaien kasuan, Derrigorrezko Bigarren Hezkuntzako, Batxilergoko edo Lanbide Heziketako Prestakuntza Zikloetako etapari buruzko programazioa izan daiteke.

Maisu-maistren kidegoko Pedagogia Terapeutikoa espezialitatean, programazioa ikasturte bateko jarduera-programa baten eta izangaiak hautatutako Haur Hezkuntza edo Lehen Hezkuntzako maila baten garapenari buruzkoa izango da. Hezkuntza-premia bereziak dituzten ikasleen artean kasu zehatz bat garatuko da, eta ikasle baten edo ikasle-talde txiki baten premietan oinarritu beharko da, erreferentzia gisa eskola-testuingurua eta horren ikasgelaren edo ikastetxearen hezkuntza-planteamenduak hartuta. Gutxienez 15 unitate didaktikotan antolatu beharko da, batik bat arlo instrumentaletakoak, eta zenbakituta egongo dira.

Maisu-maistren kidegoko Entzumena eta Hizkuntza espezialitatean, programazioa ikasturte bateko jarduera-programa baten eta izangaiak hautatutako Haur Hezkuntza edo Lehen Hezkuntzako maila baten garapenari buruzkoa izango da. Hezkuntza-premia bereziak eta/edo komunikazioan eta hizkuntzan atzerapen handiak dituzten ikasleen artean kasu zehatz bat garatuko da, eta ikasle baten edo batzuen premietan oinarritu beharko da, erreferentzia gisa eskola-testuingurua eta horren ikasgelaren edo ikastetxearen hezkuntza-planteamenduak hartuta. Gutxienez 15 unitate didaktikotan antolatu beharko da, eta zenbakituta egongo dira.

Espezialitate guztietan, deialdiaren V. eranskinean zehazten diren curriculumak hartu beharko dira kontuan programazio didaktikoa egiteko orduan.

Programazio didaktikoak DIN-A4 formatuko 50 folio izango ditu gehienera ere, alde bakarretik idatzita, espazio bikoitzean, eta "arial" motako letran idatzita, 12 puntuko tamainan. 15 unitate didaktiko izan beharko ditu gutxienez, eta zenbakituta egon beharko dute. Ez da eranskinik sartuko. Programazio didaktikoaren azala eta aurkibidea ez dira 50 folioen barruan zenbatuko.

Deialdiaren 7.1. oinarrian ezarritakoaren arabera emango zaio programazio didaktikoa epaimahaiari, eta izangaiari programazioa defendatzeko deitzen zaionean defendatuko du epaimahaiaren aurrean.

Izangaiak ez du berariazko denborarik edukiko programazio didaktikoa aurkeztu eta defendatu aurretik prestatzeko (publikoa izango da), eta ezingo du material osagarriak erabili horretarako. Izangaiak emandako programazio didaktikoaren kopia berdina bakarrik izango du.

B.2.- Unitate didaktiko bat prestatu, aurkeztu eta, behar izanez gero, defendatzea

Unitate didaktiko bat prestatu eta epaimahaiaren aurrean ahoz azaltzea. Izangaiak aurkeztutako programazioari lotuta egongo da unitate didaktikoa. Izangaiak bere programaziotik ausaz aterako dituen hiru unitate didaktikoren artean aukeratuko du unitate didaktikoaren edukia.

Unitate didaktiko hori prestatzerakoan, honako alderdi hauek zehaztu beharko dira: lortu nahi diren ikaskuntza-helburuak, edukiak, gelan planteatuko diren irakaskuntza- eta ikaskuntza-jarduerak, ebaluazio-prozedurak eta gaitasunen garapena (edo ahalmenak, Musika eta Arte Eszenikoko irakasleen Kidegoan).

Unitate didaktikoa azaltzeko (publikoa izango da), izangaiak berrogeita bost minutu izango ditu prestatzeko, eta egokitzen jotzen duen material osagarria (berak ekarri beharko du) erabili ahal izango du, bai eta gidoi bat ere (folio batekoa gehienez). Azalpena bukatzean, epaimahaiari emango dio erabilitako gidioa.

Deialdiaren 6.2.1.4.2. oinarriko baldintzak betetzen dituztenek txosten bat eskatu ahal izango dute B.2) ariketaren ordez. Hezkuntza, Unibertsitate eta Ikerketa Sailak horretarako izendatzen dituzten batzordeek egingo dute txostena.

Txostena aukeratzeak ez du esan nahi probaren B.1) zatia egin beharko ez denik; hau da, ez zaionik programazio didaktikoa epaimahaiari eman beharko zehaztutako epean eta ez denik epaimahaiaren aurrean defendatu beharko, programazioa defendatzeko pertsona bakoitzari deitzen zaionean.

B.1) eta B.2) zatiak gauzatzeko modua: izangaiak aldeztu aurretik aurkeztutako programazio didaktikoaren aurkezpena eta ahozko defentsa egingo du azalpenaren hasieran, hogeita hamar minutuan gehienez. Ondoren, unitate didaktikoa azalduko du, berrogeita bost minutuan gehienez, B.2) ariketaren ordez txostena aukeratzea onartu den kasuetan izan ezik. Bere azalpena bukatu ondoren, epaimahaiak galderak edo jarduerak egin ahal izango dizkio, azalpenaren edukiari buruz. Ez du hamabost minutu baino gehiago iraungo eztabaidak. Guztira, pertsona bakoitzak ordubete eta hogeita hamar minutu izango ditu gehienez jarduera horiek guztiak egiteko.

B.3.- Ariketa praktikoa

Behean adierazita dauden espezialitateetan, probaren B zatian ariketa praktikoa bat dago, izangaiak lortu nahi duten espezialitateko prestakuntza zientifikoa dutela eta arloak, irakasgaiak, moduluak edo eremu irakasteko behar dituzten lan-teknikak menderatzen dituztela egiaztatzeko.

Epaimahai bakoitzak erabakiko du nola ezarriko duen ariketaren eduki praktikoa, deialdi honetan espezialitate bakoitzerako zehazten diren premisak kontuan hartuta.

Epaimahaiak izangaiak deituko dituzte, B.1) eta B.2) ariketak egin aurretik, ariketa praktikoa hori egiteko.

Izangai bakoitzak B.1) eta B.2) ariketetan egindako azalpenaren ondorengo eztabaidan, ariketa praktikoari buruzko galderak ere egin ahal izango dizkio epaimahaiak.

B.3.1.- Maisu-maistren kidegoa

Musika: ariketa praktiko bat egingo da. Epaimahaiak emandako kantu bat ahoz interpretatzea izango da ariketa hori. Izangaiak 20 minutu izango ditu pieza prestatzeko, eta instrumenturik gabe interpretatuko du. Izangaiak eramandako sardexka-diapasoi bat erabili ahal izango da.

B.3.2.- Bigarren Hezkuntzako irakasleen kidegoa

Marrazketa: Proba praktikoak hiru zati izango ditu:

- 1.- Gai-zerrendari lotutako marrazketa artistikoko ariketa bat egin, epaimahaiak erabaki beharrekoa
- 2.- Gai-zerrendari lotutako marrazketa teknikoko ariketa bat egin, epaimahaiak erabaki beharrekoa
- 3.- Gai-zerrendari lotutako aplikazioko ariketak ebatzi

B.3.3. Hizkuntza-eskola ofizialetako irakasleen kidegoa

Ingelesa, Frantsesa, Alemaniarra eta Euskara espezialitateetako ariketa praktikoak hiru zati izango ditu:

- 1.- Alderantzizko itzulpena
 - 2.- Itzulpen zuzena
 - 3.- Testu garaikide baten azterketa (gehienez 25 lerro) hainbat mailatan (pragmatikoa, semantikoa, morfosintaktikoa eta fonologikoa), maila bakoitzak testuaren esanahi osoan duen garrantziaren arabera.
- % 40 balioko du alderantzizko itzulpenak, % 10 itzulpen zuzenak eta % 50 testu garaikidearen azterketak.

Lau ordu iraungo du gehienara ere ariketak.

Gaztelania Atzerriko Hizkuntza espezialitaterako ariketa praktikoak bi zati izango ditu:

- 1.- Epaimahaiak proposatutako gai batean oinarrituz testu bat prestatu, kontra edo alde argudiatuz eta hizkuntza-adierazpide egokia koherentziaz eta kohesioz, aberastasun lexikoz, aniztasun sintaktikoz eta zuzentasun ortografikoz baliatuz.
- 3.- Epaimahaiak proposatutako testu garaikide bat maila desberdinetan (pragmatikoa, semantikoa, morfosintaktikoa eta fonologikoa) aztertu, testuaren esanahi osoan daukaten garrantziaren arabera.

Balorazioa % 50 izango da alderdi bakoitzarentzat. Ariketaren gehienezko iraupena 4 ordu izango da.

B.3.4.- Musika eta Arte Eszenikoko irakasleen kidegoa

Proba honen ezaugarriak deialdiaren VI. eranskinean zehazten dira.

Maisu-maistren, Bigarren Hezkuntzako irakasleen eta hizkuntza-eskola ofizialetako irakasleen kidegoetako hizkuntzen espezialitateen proba guztiak espezialitate bakoitzari dagokion hizkuntzan egingo da osorik.

Oposizio-aldiko probaren kalifikazioa

Txanda librerako eta urritasunen bat dutenentzat erreserbatutako txandarako oposizio-aldia

Probaren bi zatietako bakoitzaren kalifikazioa Otik 10 puntura bitartekoa izango da.

Oposizio-aldiko kalifikazio globala lortzeko, A zatia amaierako kalifikazioaren %40 izango da, eta B zatia, amaierako kalifikazioaren %60.

B.1), B.2) eta, dagokion kasuan, B.3) ataletan deskribatutako probaren B zatiko ariketa bakoitza 0 puntutik 10era baloratuko da. Bigarren zati horretako ariketa bakoitzak izango duen garrantzia honela neurtuko da: B.1) eta B.2) ataletan aurreikusitako ariketak soilik egiten diren espezialitateetan, bi ariketek oposizio-aldiko kalifikazioaren %30eko balioa izango dute; zati horretan hiru ariketa egiten diren espezialitateetan, ariketa bakoitzak oposizio-aldiko kalifikazioaren %20ko balioa izango du.

Oposizio-probaren amaierako nota globala Otik 10 puntura bitartekoa izango da. Lehiaketa-aldian sartzeko, izangaiak oposizio-aldian bost puntu edo gehiago lortu beharko dituzte.

Izangai bakoitzak ariketa bakoitzean lortutako puntuazioa epaimahaian dauden kide guztien kalifikazioen batez besteko aritmetikoaren bidez finkatuko da. Epaimahaian dauden kideek emandako puntuazioetan hiru puntu edo gehiagoko aldea badago, kalifikazio altuena eta baxuena ez dira kontuan hartuko, eta gainerako kalifikazioekin egingo da batez bestekoa.

Kalifikazioen ponderazioa

Txanda librerako eta urritasunen bat dutenentzat erreserbatutako txandarako oposizio-aldia

Oposizio-aldiko eta lehiaketa-aldiko puntuazioen ponderazioa, **puntuazio globala** lortzeko, hau izango da: %60 oposizio-aldirako eta %40 lehiaketa-aldirako.

B.2) ariketaren ordez hezkuntza-administrazioaren txostena aukeratzea

B.2) ariketaren —hau da, unitate didaktiko baten prestaketa eta ahozko azalpenaren— ordez, txosten bat aukeratu ahal izango da. Txosten horretan kontuan hartuko dira unitate didaktiko bati buruz izangaiak dituen ezagutzak. Deialdiaren 5.6 oinarrian hautaketa-organoei ematen zaizkien funtzioen arabera epaitu, baloratu eta kalifikatuko du epaimahaiak txostena, eta puntu hauek egiaztatu beharko dira gutxienez: unitate



didaktikoetan lortu nahi izan diren ikaskuntza-helburuak zehaztea, haien edukiak, gelan planteatzen diren irakaskuntza- eta ikaskuntza-jarduerak, ebaluatzeko prozedurak eta gaitasunen garapena (edo ahalmenak, Musika eta Arte Eszenikoko irakasleen Kidegoan).

Bi baldintza hauek betetzen dituzten irakasleek egin ahal izango dute B.2. ariketaren ordezkari izateko txostena egiteko eskaera:

- Irakasleen kidegoko bitarteko funtzionario gisa zerbitzu aktiboan dagoenak eskaerak aurkezteko epea bukatzen den egunean.
- Irakasleen kidegoko bitarteko funtzionario gisa lanpostu berean gutxienez 6 hilabete etenik gabe eman dituela egiaztatzen duenak, 2010eko irailaren 1etik 2011ko martxoaren 8ra arte.

Seme-alabek 3 urte bete arte seme-alabak zaintzeko aldi baterako lan-etetearen egoeran dauden pertsonak ere edukiko dute txostena eskatzeko aukera, betiere azken baldintza hau betetzen badute, emandako zerbitzuen aldia egoera honen babesean dagoena dela interpretatuta.

Hautaketa-prozesuan parte hartzeko eskaera-idazkian horretarako dagoen laukian adierazi beharko dute izangaiak aukera hori, eta eskaera aurkeztu ondoren ezin izango dute aldatu.

Halaber, hautaketa-prozesuan onartutakoaren eta baztertutakoaren behin-behineko zerrenda onartzen duen ebazpenean ere emango da argitara B.2) ariketaren ordezkari izateko txostena egitea eskatu duten eta aukera hori onartu zaien parte-hartzaileen behin-behineko zerrenda, bai eta baldintzak ez betetzeagatik eskaera atzera bota zaiena ere. Zerrenda horiek Hezkuntzako Lurralde Ordezkaritzetan eta Hezkuntza, Unibertsitate eta Ikerketa Sailaren interneteko helbidean (<http://www.irakasle.net> edo <http://www.hezkuntza.ejgv.euskadi.net>) emango dira argitara.

Izangaiak erreklamazioa aurkeztu ahal izango dute behin-behineko zerrenden aurka, hamar laneguneko epean, argitara eman eta hurrengo egunetik kontatzen hasita. Erreklamazioak Langileriaren Kudeaketarako zuzendariari bidaliko zaizkio, eta aipatutako ebazpenean adieraziko diren tokietan edo Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeak 38.4 artikuluan aipatzen dituen bulegoetan aurkeztuko dira.

Erreklamazioak berrikusi ondoren, Langileriaren Kudeaketarako zuzendariak ebazpena emango du, eta ebazpen horren bidez onartuko da B.2) ariketaren ordezkari izateko txostena egitea eskatu duten eta eskaera onartu edo atzera bota zaien izangaien behin betiko zerrenda. Azken kasu horretan, nahitaez egin beharko dute probaren B.2) atala. Goian aipatutako tokietan argitaratuko da zerrenda.

Interesdunek gora jotzeko errekurtsioa jarri ahal izango diote Administrazio eta Zerbitzuetako sailburuordeari ebazpen horren aurka, hilabeteko epean, argitara eman eta hurrengo egunetik kontatzen hasita.

Aukera hori kontuan hartzeko, deialdiaren 6.2.1.4.2. atalean adierazitako baldintzak mantendu beharko dira.

B.2) ariketaren ordezkari izateko txostena egiteko eskatzen dutenak unitate didaktiko bat aurkeztuko dute, indarrean dagoen curriculumaren eta lehiaketa-oposizioan parte hartzen duten espezialitatearen arabera programatua. Langileriaren Kudeaketa zuzendariari bidaliko zaio unitatea, eta deialdiaren 7.1. oinarrian ezarritako moduan eta epearen barruan aurkeztuko dute.

Aurkeztu den unitate didaktikoak lotura edukiko du izangaiak aurkeztu beharko duen programazioarekin, deialdiaren B.1) atalean xedatutakoaren arabera. Unitate didaktiko

horren plangintzan, puntu hauek zehaztuko dira gutxienez: lortu nahi diren ikaskuntza-helburuak, edukiak, gelan garatu beharreko irakaskuntza- eta ikaskuntza-jarduerak, ebaluatzeko prozedurak eta gaitasunen garapena (edo ahalmenak, Musika eta Arte Eszenikoko irakasleen Kidegoan).

Hizkuntzen espezialitateetan, unitate didaktikoa espezialitate bakoitzari dagokion hizkuntzan egingo da.

Izangai hauek ere adierazitako epean aurkeztu beharko dute unitate didaktikoa:

- Behin-behingo hautaketa-prozesutik kanpo dauden eta B.2) ariketaren ordeztu txostena egitea eskatu zuten izangaiek, betiere ebazteko zain dagoen erreklamazioa aurkeztu badute kanpoan utzitakoen behin-behineko zerrendaren aurka.

- B.2) ariketaren ordeztu txostena egitea eskatu duten eta eskaera behin-behingo atzera bota zaien izangaiek, betiere ebazteko zain dagoen erreklamazioa aurkeztu baldin badute eskaera atzera bota zaien izangaien behin-behineko zerrendaren aurka.

Eskatzen den unitate didaktikoa epean entregatu ezean edo osatu diren batzordeen edozein eskaerari kasurik egin ezean, ezin izango dute prozesuarekin jarraitu, eta, ondorioz, izangai horiei berehala utziko zaie lehiaketa-oposiziotik at.

Hezkuntza, Unibertsitate eta Ikerketa Sailari eta izangaiari berari lotuta ez dauden arrazoiengatik txostena ematerik ez baldin badago, izangaia probaren B.2) ariketa egingo du.

Espezialitate bakoitzean horretarako osatu diren batzordeek egingo dute txostena. Langileriaren Kudeaketarako zuzendariak izendatuko ditu batzorde horiek, eta bakoitza bost kidek osatuko dute: batzordeburu bat (hezkuntzako ikuskari bat) eta lau epaimahaikide (kidegoko eta dauden batzordearen espezialitateko karrerako funtzionarioak). Espezialitate bereko irakasleak ez daudelako ezinezkoa bada, kideko espezialitateetako karrerako funtzionarioekin osa daitezke batzordeak, eta aholkulari espezialistak izenda daitezke, kasu horretan.

Dena den, Musika eta Arte Eszenikoen Irakasleen Kidegoko espezialitateetan eta Autonomia Erkidego honetan karrerako funtzionarioen Kidego horretako kopuru txikia ikusita, Batzorde bakar bat eratu ahal izango da instrumentu askorentzat eta beti ere dagokion instrumentuko espezialistaren bat egon behar da.

Ordezkaritza handiena duten sindikatuek ordezkari bat izendatu ahal izango dute batzorde bakoitzean, behatzaile gisa.

Langileriaren Kudeaketa zuzendariaren ebazpenaren bidez osatuko dira aipatutako batzordeak, eta ebazpena Hezkuntzako Lurralde Ordezkaritzetako iragarki-tauletan eta Hezkuntza, Unibertsitate eta Ikerketa Sailaren web-orrian (<http://www.irakasle.net> edo <http://www.hezkuntza.ejgv.euskadi.net>) argitaratuko da.

Batzordekideak ohiko jardueretatik liberatuta egongo dira, eta emandako funtzioa besterik ez dute beteko. Halaber, dietak ordainduko zaizkie, joan-etorrien eta mantenuaren ondorioz sortzen diren gastuak finantzatzeko, bai eta zerbitzuarengatik dagozkien kalte-ordainak ere.

Aurkeztutako unitate didaktikoak eta unitate didaktikoaz hitz egiteko deituko zaien izangaien elkarriketaren emaitzak ikusita, batzordeak txostena emango du. Gainera, egokitzen jotzen den kasuetan, Hezkuntza Ikuskaritzak bisita bat egin ahal izango dio izangaiari ikastetxean, eta programatutako unitate didaktikoa gelan nola garatzen duen ikusiko du.

Izangai bakoitzak unitate didaktiko bati buruz dituen ezagutzak baloratzeko asmoz, batzorde bakoitzak emango dituen banakako txostenek puntu hauek izango dituzte oinarri:

1.- Ikaskuntzaren helburuak zehaztea.

* Helburuak teknikoki ondo formulatuta daude, koherenteak dira eta curriculum ofizialaren helburu orokorrenak gauzatzen dituzte.

* Behar den mailara eta ikasleen ezaugarrietara egokituta daude.

2.- Edukiak.

* Edukien hautaketa bat dator helburuen proposamenarekin.

* Curriculum ofizialaren barruan daude eta egokiak dira proposatzen den mailarako.

* Haien formulazioa askotarikoa da, eta irizpide epistemologikoei, testuinguruaren arabera irizpideei eta irizpide funtzionalei ematen diete erantzuna.

3.- Irakaskuntza- eta ikaskuntza-jarduerak.

* Jardueren programazioa lagungarri da helburuak lortzeko eta proposatutako edukiak garatzeko.

* Motibagarriak, askotarikoak, zailtasunaren arabera mailakatuak eta ikasle gehienek egin ahal izateko modukoak dira.

* Aurreikuspenen arabera, hainbat baliabide didaktiko erabiliko dira.

4.- Ebaluatzeko prozedurak.

* Bat datoz proposatutako helburu, eduki eta jarduerekin.

* Askotarikoak eta malguak dira, ikasleen aniztasunera egokituta daude, eta berreskuratzeko mekanismoak aurreikusten dituzte.

5.- Gaitasunen garapena (edo ahalmenen garapena, Musika eta Arte Eszenikoko irakasleen kidegoan).

* Unitate didaktikoak gaitasunak (edo ahalmenak, Musika eta Arte Eszenikoko irakasleen kidegoan) garatzeko ematen duen laguntza.

* Unitate didaktikoan identifikatutako gaitasunak (edo ahalmenak, Musika eta Arte Eszenikoko irakasleen kidegoan) eskuratzeko maila.

Aipatutako alderdi bakoitzaren balorazioa egingo da, eta hau adieraziko da: EZ edo BAI (eta, kasu horretan, oso ondo, ondo, nahiko edo ez nahiko).

Epaimahaiak Otik 10era bitarteko kalifikazioarekin epaitu, baloratu eta kalifikatuko du txostena, eta probaren B.2) ariketari ematen zaion garrantzi bera emango dio, oposizioaldiaren azken kalifikazioa kalkulatzeko.

Beste autonomia-erkidego batzuetako hezkuntza-administrazioetan zerbitzuak ematen dituzten eta Euskal Autonomia Erkidegoko Administrazioak deitutako hautaketa-prozesuan parte hartu nahi dutenek txostena ematea aukeratu ahal izango dute -horren ardura Euskal Autonomia Erkidegoko Administrazioak hartuko du bere gain-, baldin eta deialdi honetan ezartzen diren baldintzak betetzen badituzte, eta hala adierazi behar dute eskabideak aurkezteko epean. Eskabidean adierazi beharko dute, halaber, zer autonomia-erkidegotan ematen dituzten zerbitzuak. Izangai hauek unitate didaktikoa aurkeztu behar dute, gainontzeko izangaiak bezala, deialdiaren 6.2.1.4.4. oinarriak adierazten duen arabera.

Goragoko talde bateko kidegoetara sartzeko oposizio-aldia

Proban, kontuan hartuko dira izangaiak irakasgaiari buruz dituen ezagutzak, bai eta dituen baliabide didaktiko eta pedagogikoak ere. Lortu nahi duen espezialitateko gai baten ahozko azalpena eman beharko du, epaimahaiak ausaz aukeratutako zortzi gaietako bat aukeratuta. Deialdiaren IV. eranskinean ageri den kidegoko eta espezialitateko gai-zerrendako gaiak izango dira. Gaiaren aurkezpen didaktiko batekin osatuko da azalpena, izangai bakoitzak libreki aukeratuko duen ziklo edo maila bateko gaiaren aurkezpen didaktikoarekin.

Aurkezten den titulazio akademikoa eta asmo den espezialitatea bat badatoz, gaia pertsona izangaiak aukeratuko du Epaimahaiak azarean hautatutako bederatziren artean. Bat-etortze hori uniberitsitate-karreran edukitako ikasgaiak eta dagokion espezialitateko iraskasle titularrak egotzita dituen gaien curriculumak kontuan hartuz zehaztuko da.

Bat-etortze hori zehazteko, Batzorde bat izendatuko da ondorengo kideek osatuta:

Lehendakaria: Langileriaren Kudeaketako zuzendaria edo haren ordezkaria

Kideak:

- Hezkuntza Berriztatze Zuzendaritzaren ordezkari bat
- Hezkuntzako ikuskatzaile bat

Izangai bakoitzak bi ordu izango ditu prestatzeko, eta egokitzen jotzen duen material osagarria erabili ahal izango du (berak ekarri beharko du), bai eta gidoi bat ere. Epaimahaiari emango dio gidoia azalpena bukatzean. Berrogeita bost minutu iraungo du gehienez azalpenak, eta, amaitu ostean, epaimahaiak galderak edo jarduerak egin ahal izango dizkio, azalpenaren edukia lotuta. Eztabaidak hamabost minutu iraungo du gehienez.

Marrazketa espezialitatean, proban txanda libreko eta ezgaitasun-erreserbako B.3) ariketarako deskribatutako ezaugarri berdinak dituen izaera praktikoko ariketa bat egitea sartuko da.

Hizkuntzen espezialitateen proba espezialitate bakoitzari dagokion hizkuntzan egingo da osorik.

Talde bereko beste kidego batzuetara eta kidego horietako destino osagarrien mailetara sartzeko oposizio-aldia

Zati hauek izango ditu probak:

a)-Jatorrizko kidegoan duten espezialitate bera lortu nahi duten izangaiak deialdiaren 6.2.1.2. oinarriko B.1) atalean ezarritakoaren arabera izangaiak prestatuko duen programazio didaktiko baten azalpena egin beharko du ahoz, eta, ondoren, ahozko eztabaida egongo da. Deialdiaren 7.1. oinarrian ezarritakoaren arabera aurkeztu beharko du programazio didaktikoa.



Prestaketari eta material osagarria erabiltzeari buruzko baldintzak deialdiaren 6.2.1.2. oinarrian adierazitako berak izango dira. Hala ere, probaren garapenari, aurkezpena egiteko denborari eta programazioaren ahozko defentsari dagokionez, berrogeita bost minutu iraun ahal izango du, eta, ondoren, epaimahaiak eztabaida ireki ahal izango du azalpenaren edukiari buruz. Hamabost minutu izango ditu gehienez epaimahaiak galderak eta jarduerak egiteko.

b)-Espezialitate bateko titularrak izan eta beste espezialitate bat lortu nahi dutenek goragoko talde bateko kidegoetara sartzeko deialdiaren 6.2.2. oinarrian xedatutakoaren arabera egingo da proba, izangai bakoitzak gai bat aukeratzeko modua izan ezik. Izan ere, epaimahaiak ausaz aukeratuko dituen bederatzi gairen artean aukeratu beharko du gaia. Deialdiaren IV. eranskinean agertzen den kidegoaren eta espezialitatearen gai-zerrendakoak izango dira gaiak.

b) suposamenduan, proban Hizkuntza Eskola Ofizialeko Kidegoko txanda libreko eta ezgaitasun-erreserbako B.3) ariketarako deskribatutako ezaugarri berdinak dituen izaera praktikoko ariketa bat egitea sartuko da.

Bai kasu batean, bai bestean, hizkuntzen espezialitateen proba espezialitate bakoitzari dagokion hizkuntzan egingo da osorik.

Oposizio-aldiko probaren kalifikazioa

Goragoko talde bateko kidegoetara sartzeko txanda, eta talde bereko beste kidego batzuetara eta kidego horietako destino osagarrien mailetara sartzeko txanda.

Proba zero puntutik hamarrera baloratuko da, eta izangaiek, gutxienez, bost puntu lortu beharko dituzte gainditzeko. Proba gainditzeko, izangaien gaiari buruzko ezaguerak eta baliabide didaktiko eta pedagogikoak baloratuko dira.

Izangai bakoitzak ariketa bakoitzean lortutako puntuazioa epaimahaian dauden kide guztien kalifikazioen batez besteko aritmetikoaren bidez finkatuko da. Epaimahaian dauden kideek emandako puntuazioetan hiru puntu edo gehiagoko aldea badago, kalifikazio altuena eta baxuena ez dira kontuan hartuko, eta gainerako kalifikazioekin egingo da batez bestekoa.

Kalifikazioen ponderazioa

Goragoko talde bateko kidegoetara sartzeko txanda

Oposizio-aldiko eta lehiaketa-aldiko puntuazioen ponderazioa, **puntuazio globala** lortzeko, hau izango da: %55 oposizio-aldirako eta %45 lehiaketa-aldirako.



Lanpostuen esleipena

Hautaketa-organoek Langileriaren Kudeaketarako zuzendariari bidaliko dizkiote aukeratutako eta gainditutako izangaien behin-behineko zerrendak, eta honek aditzera emango ditu, Hezkuntza Lurralde Ordezkaritzetako iragarki-tauletan eta Hezkuntza, Unibertsitate eta Ikerketa Sailaren web orrian (<http://www.irakasle.net> edo <http://www.hezkuntza.ejgv.euskadi.net>) argitara emango den ebazpenaren bidez.

Izangaiek erreklamazioa aurkeztu ahal izango dute zerrenda horien kontra, egon daitezkeen akatsengatik, hiru laneguneko epean, argitara eman eta hurrengo egunetik kontatzen hasita.

Erreklamazioak ebatzi ondoren, hautaketa-organoek Langileriaren Kudeaketarako zuzendariari bidaliko dizkiote aukeratutako eta gainditutako izangaien behin betiko zerrendak, eta horrek aditzera emango ditu, Euskal Herriko Agintaritzaren Aldizkarian, Hezkuntza Lurralde Ordezkaritzetako iragarki-tauletan eta Hezkuntza, Unibertsitate eta Ikerketa Sailaren web orrian (<http://www.irakasle.net> edo <http://www.hezkuntza.ejgv.euskadi.net>) argitara emango den ebazpenaren bidez.

Interesdunek Hezkuntza, Unibertsitate eta Ikerketa sailburuari gora jotzeko errekurtsioa aurkeztu ahal izango diote ebazpen horren aurka, hilabeteko epean, argitara eman eta hurrengo egunetik kontatzen hasita.

Zerrenda horien ale bat deialdia egiten duen organoari helaraziko zaio, eta prozesuaren garapenean sortutako gainerako dokumentazioa Langileriaren Kudeaketa Zuzendaritzaren zaintzapean geldituko da.

Hautaketa-organoek, espezialitate bakoitzerako hautatu dituzten izangaien zerrendarekin batera, beste zerrenda ordenatu bat ere prestatuko dute hautatutako izangai ordezkoein, zerrendakide-kopuru bera izango duena, aurkez daitezkeen errekurtsioak onetsiz gero, edo hautatze-prozeduratik eratorritako eskubideei **2011ko abuztuaren 10a baino lehenago** uko egin izanagatik, hautatutako izangairen batek izaera hori galtzen badu edo.

Hautatutako izangaiek hogeiei egun naturaleko epea izango dute Aginduaren Deialdian ezartzen diren agiriak Hezkuntzako Lurralde Ordezkaritzetan aurkezteko, hautaketa-prozesua gainditu duten izangaien behin betiko zerrendak Euskal Herriko Agintaritzaren Aldizkarian argitara eman eta hurrengo egunetik kontatzen hasita.

Ezarritako epean, eta ezinbesteko kasuetan izan ezik, agiririk aurkezten ez dutenek, edo agiri horien azterketatik bigarren oinarrian adierazitako baldintzetariko baten jabe ez direla ondorioztatzen bada, karrerako funtzionario izendatua izateko eskubide guztiak galduko dituzte, hasierako eskabidean faltsukeria egin izanagatik merezi dezaketen erantzukizunaren kaltetan izan gabe.

Deialdiaren 12.3. oinarrian aipatzen diren pertsonak bi aukera dituzte: praktiketako karrerako funtzionario izendatuak izatea edo, karrerako funtzionario izendatu arte, haien jatorrizko kidegoetan jarraitzea. Idatziz adierazi beharko dute beraiei aukera; idatzia bidali beharko diote Langileriaren Kudeaketarako zuzendariari, bost laneguneko epean, prozesua

gainditu duten eta onartuak izan diren izangaien behin betiko zerrenda Euskal Herriko Agintaritzaren Aldizkarian argitara eman eta hurrengo egunetik kontatzen hasita.

Praktiketako funtzionarioak izendatzea.

Hezkuntza, Unibertsitate eta Ikerketa sailburuak praktiketako funtzionario izendatuko ditu hautatutako izangaiak, dagokien kidegora sartzeko edo iristeko behar diren baldintzak betez gero eta praktikak egiteko betebeharretatik salbuetsita ez badaude, edo salbuetsita izanik ere, praktikak egitea erabaki baldin badute. Izangai horiek esleituko zaizkien destinoetan egin beharko dituzte praktikak, eta destino horietara lotzen ez diren izangaien kasuetan, hautaketa-prozesuari uko egiten diotela ulertuko da.

Praktika-alditik salbuetsita egoteak edota praktikak egiteko luzapena lortzeak ez du gainerako izangaiei esleitutako lanpostuetan aldaketarik ekarriko, ez eta hautatutako pertsonen zerrendan ere.

Goragoko talde bateko kidegoetara sartzeko txandakoak, eta talde bereko beste kidego batzuetara eta kidego horietako destino osagarrien mailetara sartzeko txandakoak praktika-aldia egitetik salbuetsita egongo dira.

Aukeratutako izangaietatik, karrerako funtzionario gisa ikasturte batean, gutxienez, zerbitzuak eman izana egiaztatzen dutenek, praktika-aldiko ebaluaziotik salbuetsita egongo dira.

Praktiketako funtzionario izendatzen dituztenetik karrerako funtzionario izendatu bitartean, izangaiei egokituko zaien araubide juridiko eta administratiboa praktiketako funtzionarioena izango da, baldin eta irakaskuntzako lanpostu batean aritzen badira.

Praktiketako aldirako lortutako destinoak behin-behinekoak izango dira. Praktiketako funtzionario izendatu dituzten izangaiak eta, praktika-aldia egitetik salbuetsita izanik, jatorrizko euren kidegoetan jarraitu nahi izan duten izangaiak lanpostu-hornikuntzarako deituko diren hurrengo lehiaketetan parte hartu beharko dute, Hezkuntza, Unibertsitate eta Ikerketa Sailak zuzenean kudeatutako ikastetxeren batean eta hautatuak izan diren espezialitatean, bere behin betiko destinoa lortu arte.

Destinoen esleitzea hautaketa-prozesuan lortutako puntuazioaren arabera egingo da.

Goragoko talde bateko kidegoetara sartzeko txandan hautatutako pertsonen lehentasuna izango dute haiek lortzeko, txanda librekoen eta ezinduei erreserbatutako txandakoen aurretik.

Talde bereko beste kidego batzuetara eta kidego horietako destino osagarrien mailetara sartzeko txandan hautatutako pertsonen lehentasuna izango dute haiek lortzeko, beste txandetakoen aurretik.



Praktika-aldia

Praktika-aldiaren xedea aukeratutako izangaiek irakaskuntzarako duten gaitasuna egiaztatzea da. Praktika-aldiak irakaskuntza-jarduneko sei hilabete iraungo du, kasu bereziak izan ezik, orduan gutxienez hiru hilabete baino gehiago jarraian irautea eskatuko baita.

Horren garapena Administrazio eta Zerbitzuen sailburuordeak emandako ebazpenaren araupean izango da, betiere, Ikastetxeen Zuzendaritzak eta Hezkuntza Berriztatze Zuzendaritzak emango dituzten proposamenak aintzat harturik.

Aldi hori 2011-2012 ikasturtearekin batera hasiko da.

Kalifikazio-batzordeek izendatutako irakasle adituek zainduko dute praktika-aldia. Batzorde horien osaera praktika-aldia arautuko duen ebazpenean xedatuko da.

Praktika-aldian lanpostuan sartzeko eta trebatzeko ekitaldiak, kalifikazio-batzordeek programatutakoak, egin ahal izango dira. Horrez gain, batzordeek izangaiei amaierako txostena egiteko eskatu ahal izango diete, topatutako zailtasunak eta jasotako laguntzak balora ditzaten.

Praktika-aldia amaitzean izangai guztiek "Gai" edo "Ez gai" kalifikazioa jasoko dute. Dagokion kalifikazio-batzordeak emango du aipatutako balorazioa, betiere adierazitako ebazpenaren irizpideei jarraiki. Edonola ere, balorazioa egitean irakasle-tutoreak, praktikak egiteko erabili den ikastetxeko zuzendariak eta programatutako trebakuntzako ekitaldien arduradunek egindako txostenak aintzat hartuko dira.

"Ez gai" kontsideratzen diren izangaiek hurrengo promozio izangai aukeratuekin batera sartu ahal izango dira lanera; praktika-aldia behin bakarrik errepikatuko da. Kasu horretan, sartu diren promozio horretan, euren espezialitatean aukeratutako azken izangaia hurrengo tokia beteko dute zerrendan.

Hurrengo urtean deituko ez balitz kidego eta espezialitate bererako hautaketa-prozesurik, "ez gai"-tzat zer ikasturtetan jo dituzten, hurrengo ikasturtean egingo dute praktika-aldia.

Lanean hasten ez direnek edo bigarren ez "Ez gai" kalifikazioa jasotzen dutenek karrerako funtzionarioaren izendapena jasotzeko eskubide guztiak galduko dituzte. Arrazoidun ebazpen baten bidez, deialdia egin duen agintariak eskubide horien galera aldarrikatuko du.

Behar bezala justifikatutako arrazoiak, Langileriaren Kudeaketarako Zuzendaritzak kontuan hartu dituenak, direla-eta praktika-fasera ikasturte bat beranduago sartu behar duten horiek idatziz eskatu beharko dute hogeit egun naturaleko epean, aukeratutako izangaiei behin betiko zerrendak argitara eman eta hurrengo egunetik kontaktatu hasita. Eskaerarekin batera justifikagiriak ere aurkeztu beharko dituzte.

Karrerako funtzionarioak izendatzea

Behin agiriak egiaztatuz gero, Hezkuntza, Unibertsitate eta Ikerketa sailburuak hauxe argitaratuko du Euskal Herriko Agintaritzaren Aldizkarian: praktika-aldia gainditu duten izangaiei eta praktikak egiteko salbuetsita zeuden izangaiei karrerako funtzionarioen



izendapena. Praktiketako funtzionario zer ikasturtetan izendatu dituzten, hurrengo ikasturtearen hasierako egunetik aurrerako indarra izango du izendapenak.

Goragoko talde bateko kidegoetara sartzeko txandan hautatutako pertsonak, Euskal Hezkuntza Administrazioan eskatutako kidego eta espezialitateko behin betiko lanpostuak betetzen ari badira, postu horietan jarraitzea erabaki ahal izango dute, eta, beraz, ez diete eragingo deialdiaren 12.6 eta 12.7 oinarrietako aurreikuspenek.